

Reg-156

IN
32094
Gen-689
Reg-156

कश

100

20/5
h 34

INDIA OFFICE
20 FEB 1915
LIBRARY

श्रीरवीन्द्रनाथ ठाकुर

A collection of poems based mostly on subjects borrowed from Tod's Rájásthán, Buddhist literature and Vaishnava literature.] Pages 2, 103. Published by Apurva Krishna Basu, 22, Cornwallis Street, Calcutta. [10th August, 1912.] 16°. New edition.

Price, 8 annas.

[Previous edition noticed in entry No. 168 at pages 30-31, of the Catalogue for the quarter ending March, 1900.]

Bengali
1689 P 34

কথাক

কথা

শ্রী বীরেশ্বর চন্দ্রনাথ ঠাকুর
কলিকাতা, বঙ্গ প্রদেশ

শ্রী বীরেশ্বর চন্দ্রনাথ ঠাকুর

১৯৩১ খ্রীঃাব্দ

কলিকাতা, বঙ্গ প্রদেশ

মূল্য আট আনা

প্রকাশক

শ্রীঅপূর্বকৃষ্ণ বসু

ইণ্ডিয়ান পার্লিশিং হাউস

২২, কর্ণওয়ালিস স্ট্রীট, কলিকাতা

কান্তিক প্রেস

২০, কর্ণওয়ালিস স্ট্রীট, কলিকাতা

শ্রীহরিচরণ মান্না দ্বারা মুদ্রিত ।

সূচী

শ্রেষ্ঠ শিক্ষা	১
প্রতিনিধি	৫
দেবতার গ্রাস	১০
মস্তক বিক্রয়	১৮
পূজারিণী	২৩
অভিসার	২৭
পরিশোধ	৩১
বিসর্জন	৪৩
সামান্য ক্ষতি	৪৮
মূল্য প্রাপ্তি	৫৪
নগর লক্ষ্মী	৫৬
অপমান-বর	৫৯
স্বামীলাভ	৬২
স্পর্শমণি	৬৪
বন্দীবীর	৬৭
মানী	৭৩
প্রার্থনাতীত দান	৭৬
রাজ-বিচার	৭৭
শেষ শিক্ষা	৭৮

কথা



শ্রেষ্ঠ ভিক্ষা*

(অবদান শতক)

“প্রভু বুদ্ধ লাগি আমি ভিক্ষা মাগি,
ওগো পুরবাসী কে রয়েছ জাগি”,—
অনাথ পিণ্ড কহিলা অম্বুদ-
নিনাদে ।

সত্ত্ব মেলিতেছে তরুণ তপন
আলস্যে অরুণ সহস্র লোচন
শ্রাবস্তিপূরীর গগন-লগন-
প্রাসাদে ।

* অনাথ-পিণ্ড বুদ্ধের একজন প্রধান শিষ্য ছিলেন ।

বৈতালিকদল স্রুপ্তিতে শয়ান,
এখনো ধবেনি মাদুলিক গান,
দ্বিধাভরে পিক মূছ কুহতান

কুহরে ।

ভিক্ষু কহে ডাকি—“হে গিদ্রিত পুর,
দেহ ভিক্ষা মোরে, কর নিদ্রা দূর”—
স্রুপ্ত পোরজন শুনি সেই সুর

শিহরে ।

মাধু কহে,—“শুন, মেঘ বরিষার
নিজেরে নাশিয়া দেয় বৃষ্টিধার,
সব ধর্ম্মনাঝে ত্যাগ ধর্ম্ম সার

ভুবনে ।”

কৈলাস শিখর হ’তে দূরাগত
ভৈরবের মহা-সঙ্গীতের মত
সে বাণী মন্দির স্রুপ্ত তন্দ্রারত

ভবনে ।

রাজা জাগি ভাবে বৃথা রাজ্য ধন,
গৃহী ভাবে মিছা তুচ্ছ আয়োজন,
অশ্রু অকারণে করে বিসর্জন

বালিকা ।

যে ললিত স্মখে হৃদয় অধীর
মনে হল, তাহা গত যামিনীর
স্মলিত দলিত শুষ্ক কামিনীর

মালিকা ।

বাতায়ন খুলে যায় ঘরে ঘরে,
ঘুম-ভাঙা আঁখি ফুটে থরে থরে
অন্ধকার পথ কোতূহল ভরে

নেহারি' ।

“জাগ ভিক্ষা দাও !” সবে ডাকি ডাকি,
সুপ্ত সৌধে তুলি নিদ্রাহীন আঁখি,
শূন্য রাজবাটে চলেছে একাকী

ভিখারী ।

ফেলি দিল পথে বণিক-ধনিকা
মুঠি মুঠি তুলি রতন-কণিকা,
কেহ কর্ণহার, মাথার মণিকা

কেহ গো !

ধনী স্বর্ণ আনে খালি পূরে পূরে,
সাধু নাহি চাহে, পড়ে থাকে দূরে,
ভিক্ষু কহে—“ভিক্ষা আমার প্রভুরে

দেহ গো !”

বসনে ভূষণে ঢাকি গেল ধূলি,
 কনকে রতনে খেলিল বিজুলী,
 সত্যাসী ফুকারে লয়ে শূণ্ড ঝুলি
 সবনে ;—

“ওগো পোরজন, কর অবধান,
 ভিক্ষুশ্রেষ্ঠ তিনি, বুদ্ধ ভগবান,
 দেহ তাঁরে নিজ সৰ্ব্বশ্রেষ্ঠ দান
 বতনে ।”

ফিরে যায় রাজা, ফিরে যায় শেঠ,
 মিলে না প্রভুর যোগ্য কোন ভেট,
 বিশাল নগরী লাজে রহে হেঁট-
 আননে ।

রোদ্দ উঠে ফুটে, জেগে উঠে দেশ,
 মহানগরীর পথ হল শেষ,
 পুরপ্রান্তে সাধু করিলা প্রবেশ
 কাননে ।

দীন নারী এক ভূতল-শয়ন
 না ছিল তাহার অশন ভূষণ,
 সে আসি নমিল সাধুর চরণ-
 কমলে ।

অরণ্য-আড়ালে রহি কোন মতে
 একমাত্র বাস নিল গাত্র ততে,
 বাহুটি বাড়ায়ে ফেলি দিল পথে
 ভূতলে ।

ভিক্ষু উর্দ্ধভূজে করে জয়নাদ,
 কহে “ধন্য মাতঃ, করি আশীর্বাদ,
 মহাভিক্ষুকের পূরাইলে সাধ
 পলকে ।”

চলিলা সন্ধ্যাসী ত্যজিয়া নগর
 ছিন্ন চীরখানি লয়ে শিরোপর,
 সঁপিতে বুদ্ধের চরণ-নথর-
 আলোকে ।

৫ই কার্তিক, ১৩১৪

প্রতিনিধি

বসিয়া প্রভাত কালে সেতারার দুর্গভালে
 শিবাজি হেরিলা একদিন—
 রামদাস গুরু তাঁর ভিক্ষা মাগি দ্বার দ্বার
 ফিরিছেন যেন অন্তহীন ।

ভাবিলা,—এ কি এ কাণ্ড ! গুরুজির ভিক্ষাভাণ্ড !

ঘরে যঁার নাই দৈন্ত লেশ !

সবই যঁার হস্তগত রাজ্যেশ্বর পদানত

তঁারো নাই বাসনার শেষ ?

এ কেবল দিনে রাত্রে জল চেলে ফুটা পাত্রে

বৃথা চেষ্টা তৃষ্ণা মিটাবারে !

কহিলা, দেখিতে হবে কতখানি দিলে তবে

ভিক্ষা ঝুলি ভরে একেবারে ।

তখনি লেখনী আনি কি লিখি দিলা কি জানি,

বালাজিরে কহিলা ডাকায়ে

গুরু যবে ভিক্ষা আসে আসিবেন হুর্গ-পাশে

এই লিপি দিয়ো তাঁর পায়ে ।

গুরু চলেছেন গেয়ে, সম্মুখে চলেছে ধৈর্যে

কত পাস্থ, কত অশ্বরথ ।—

“হে ভবেশ, হে শঙ্কর, সবারে দিয়েছ ঘর,

আমারে দিয়েছ শুধু পথ ।

অন্নপূর্ণা মা আমার লয়েছে বিশ্বের ভার,

সুখে আছে সর্ব চরাচর,

মোরে তুমি হে ভিখারী মার কাছ হতে কাড়ি

করেছ আপন অনুচর ।”

সমাপন করি গান সারিয়া মধ্যাহ্নান
 দুর্গদ্বারে আসিলা যখন—
 বালাজি নমিয়া তাঁরে দাঁড়াইল একধারে
 পদমূলে রাখিয়া লিখন ।

গুরু কৌতূহলভরে তুলিয়া লইলা করে,
 পড়িয়া দেখিলা পত্রখানি
 বন্দি তাঁর পাদপদ্ম শিবাজি সঁপিছে অস্থ
 তাঁরে নিজ রাজ্য-রাজধানী ।

পর দিনে রামদাস গেলেন রাজার পাশ,
 কহিলেন, “পুত্র কহ শুনি
 রাজ্য যদি মোরে দেবে কি কাজে লাগিবে এবে
 কোন্ গুণ আছে তব, গুণী ?”

“তোমারি দাসত্বে প্রাণ আনন্দে করিব দান”
 শিবাজি কহিলা নমি তাঁরে,—
 গুরু কহে—“এই ঝুলি লহ তবে স্বর্গে তুলি
 চল আজি ভিক্ষা করিবারে ।”

শিবাজি গুরুর সাথে ভিক্ষাপাত্র লয়ে হাতে
 ফিরিলেন পুরদ্বারে দ্বারে ।
 নূপে হেরি ছেলে মেয়ে ভয়ে ঘরে যায় ধেয়ে
 ডেকে আনে পিতারে মাতারে ।

অতুল ঐশ্বর্যে রত, তার ভিখারীর ব্রত !
 এ যে দেখি জলে ভাসে শিলা !
 ভিক্ষা দেয় লজ্জাভরে, হস্ত কাঁপে থরথরে,
 ভাবে, ইহা মহতের লীলা ।

দুর্গে দ্বিপ্রহর বাজে, ক্ষান্ত দিয়া কৰ্ম্মকাজে
 বিশ্রাম করিছে পুরবাসী ।
 একতারে দিয়ে তান রামদাস গাহে গান
 আনন্দনয়নজলে ভাসি ;—
 “ওহে ত্রিভুবনপতি বুঝি না তোমার মতি,
 কিছু ত অভাব তব নাহি,
 হৃদয়ে হৃদয়ে তবু ভিক্ষা মাগি ফির প্রভু
 সবার সৰ্ব্বস্বধন চাহি ।”

অবশেষে দিবসান্তে নগরের একপ্রান্তে
 নদীকূলে সন্ধ্যাস্নান সারি—
 ভিক্ষা অন্ন রাঁধি স্নখে গুরু কিছু দিলা মুখে
 প্রসাদ পাইল শিষ্য তাঁরি ।
 রাজা তবে কহে হাসি “নৃপতির গৰ্ব্ব নাশি
 করিয়াছ পথের ভিক্ষুক ;
 প্রস্তুত রয়েছে দাস,— আরো কিবা অভিলাষ,
 গুরু কাছে লব গুরু হুথ ।”

গুরু কহে “তবে শোন্, করিলি কঠিন পণ
 অনুরূপ নিতে হবে ভার,
 এই আমি দিহু কয়ে মোর নামে মোর হস্মে
 রাজ্য তুমি লহ পুনর্বার ।

তোমাৰে করিল বিধি ভিক্ষুকের প্রতিনিধি,
 রাজ্যেশ্বর দীন উদাসীন ;
 পালিবে যে রাজধর্ম জেনো তাহা মোর কর্ম,
 রাজ্য লয়ে রবে রাজ্যহীন ।—

বৎস, তবে এই লহ মোর আশীর্বাদসহ
 আমার গেরুয়া গাত্রবাস ;
 বৈরাগীর উত্তরীয় পতাকা করিয়া নিয়ো”
 কহিলেন গুরু রামদাস ।

নৃপশিষ্য নতশিরে বসি রহে নদীতীরে,
 চিন্তারাশি ঘনায় ললাটে ।
 খামিল রাখাল-বেণু, গোষ্ঠে ফিরে গেল ধেনু
 পরপারে সূর্য্য গেল পাটে ।

পূর্ববীতে ধরি তান একমনে রচি গান
 গাহিতে লাগিলা রামদাস,—
 “আমাৰে রাজার সাজে বসায়ৈ সংসার মাঝে
 কে তুমি আড়ালে কর বাস !

হে রাজা রেখেছি আমি তোমারি পাছকাথানি,
 আমি থাকি পাদপীঠতলে ;
 সন্ধ্যা হয়ে এল ওই, আর কত বসে রই !
 তব রাজ্যে তুমি এস চলে।”*

৬ই কার্তিক, ১৩০৪

দেবতার গ্রাস

গ্রামে গ্রামে সেই বাস্তা রটি গেল ক্রমে
 মৈত্র মহাশয় বাবে সাগরসঙ্গমে
 তীর্থস্নান লাগি। সঙ্গদল গেল জুটি
 কত বালবৃদ্ধ নরনারী ; নোকা ছুটি
 প্রস্তুত হইল ঘাটে।

পুণ্যলোভাতুর

মোক্ষদা কহিল আসি “হে দাদাঠাকুর,
 আমি তব হব সাথী !”—বিধবা যুবতী,
 ছ’খানি করুণ আঁখি মানে না যুক্তি,
 কেবল মিনতি কবে,—অনুরোধ তার
 এড়ান কঠিন বড় !—“স্থান কোথা আর”

* অ্যাকুওয়ার্থ সাহেব কয়েকটি নারী গাথার যে ইংরাজি অনুবাদগ্রন্থ প্রকাশ
 করিয়াছেন, তাহারই ভূমিকা হইতে বর্ণিত ঘটনা গৃহীত। শিবাজির গেরুয়া পতাকা
 “ভাগোয়া জেন্দা” নামে খ্যাত।

ମୈତ୍ର କହିଲେନ ତାରେ । “ପାୟେ ଧରି ତବ”,
 ବିଧବା କହିଲ କାଁଦି “ସ୍ଥାନ କର ଲବ
 କୋନମତେ ଏକ ଧାରେ ।” ଭିଜେ ଗେଲ ମନ
 ତବୁ ଦିଧାଭରେ ତାରେ ଶୁଧାଳ ବ୍ରାହ୍ମଣ
 “ନାବାଳକ ଛେଲେଟିର କି କରିବେ ତବେ ?”
 ଉତ୍ତର କରିଲା ନାରୀ—“ରାଖାଳ ? ସେ ର’କେ
 ଆପନ ମାସୀର କାଢ଼େ । ତାର ଜନ୍ମପରେ
 ବହୁଦିନ ଭୁଗେଛିଲୁ ସୂତିକାର ଉରେ
 ବାଞ୍ଚିବ ଛିଲ ନା ଆଶା ; ଅନ୍ନଦା ତଥନ
 ଆପନ ଶିଶୁର ସାଥେ ଦିୟେ ତାରେ ସ୍ତନ
 ମାନ୍ୟ କରେଛେ ଧତ୍ତେ,—ସେହି ହତେ ଛେଲେ
 ମାସୀର ଆଦରେ ଆଛେ ମାର କୋଳ ଫେଲେ ।
 ଦୁରସ୍ତ ମାନେ ନା କାରେ, କରିଲେ ଶାସନ
 ମାସୀ ଆସି ଅଶ୍ରୁଜ୍ୱଳେ ଭରିୟା ନୟନ
 କୋଳେ ତାରେ ଡେନେ ଲୟ । ସେ ଥାକିବେ ସୁଖେ
 ମାର ଚେୟେ ଆପନାର ମାସୀମାର ବୁକେ ।

ସମ୍ମତ ହିଲ ବିପ୍ର । ମୋକ୍ଷଦା ସତ୍ତର
 ପ୍ରସ୍ତୁତ ହିଲ—ବାଧି ଜିନିଷପତ୍ତର,
 ପ୍ରଣମିୟା ଶୁକ୍ରଜନେ,—ସଖୀଦଳବଳେ
 ଭାସାହିୟା ବିଦାୟେର ଶୋକଅଶ୍ରୁଜ୍ୱଳେ ।
 ଘାଟେ ଆସି ଦେଖେ, ସେଥା ଆଗେଭାଗେ ଛୁଟି
 ରାଖାଳ ବସିୟା ଆଛେ ତରୀ ପରେ ଉଚ୍ଚି’

নিশ্চিন্ত নীরবে। “তুই হেথা কেন ওরে!”
 না শুধাল,—সে কহিল, “বাইব সাগরে।”
 “বাইবি সাগরে, আরে, ওরে দক্ষ্য ছেলে!
 নেমে আয়!”—পুনরায় দৃঢ় চক্ষু মেলে’
 সে কহিল ছাটি কথা—“বাইব সাগরে।”
 যত তার বাহু ধরি টানাটানি করে
 রহিল সে তরণী আঁকড়ি। অবশেষে
 ব্রাহ্মণ করুণ স্নেহে কহিলেন হেসে
 “থাক্ থাক্ সঙ্গে থাক্।” মা রাগিয়া বলে
 “চল্ তোরে দিয়ে আসি সাগরের জলে।”
 যেমনি সে কথা গেল আপনার কানে
 অমনি মায়ের বক্ষ অনুতাপবাণে
 বিধিয়া কাঁদিয়া উঠে। মুদিয়া নয়ন
 “নারায়ণ নারায়ণ” করিল স্মরণ।
 পুত্রে নিল কোলে তুলি,—তার সর্বদেহে
 করুণ কল্যাণ হস্ত বুলাইল স্নেহে।
 মৈত্র তারে ডাকি ধীরে চুপি চুপি কয়
 “ছি ছি ছি, এমন কথা বলিবার নয়।”

রাখাল বাইবে সাথে স্থির হল কথা,—
 অন্নদা লোকের মুখে শুনি সে বারতা,
 ছুটে আসি বলে “বাহা, কোথা বাবি ওরে!”
 রাখাল কহিল হাসি “চলিহু সাগরে,

আবার ফিরিব মাসী ।” পাগলের প্রায়
 অন্নদা কহিল ডাকি “ঠাকুর মশায়,
 বড় যে ছরস্তু ছেলে রাখাল আমার,—
 কে তাহারে সামালিবে ? জন্ম হতে তার
 মাসী ছেড়ে বেশিক্ষণ থাকেনি কোথাও,
 কোথা এরে নিয়ে যাবে ! ফিরে দিয়ে যাও ।”
 রাখাল কহিল—“মাসী যাইব সাগরে
 আবার ফিরিব আমি ।” বিপ্র স্নেহস্বরে
 কহিলেন—“যতক্ষণ আমি আছি ভাই,
 তোমার রাখাল লাগি কোন ভয় নাই ।
 এখন শীতের দিন শাস্ত নদীনদ,
 অনেক যাত্রীর মেলা,—পথের বিপদ
 কিছু নাই,—যাতায়াতে মাস দুই কাল,—
 তোমারে ফিরিয়ে দিব তোমার রাখাল ।”

শুভক্ষণে দুর্গাস্মরি' নৌকা দিল ছাড়ি ।
 দাঁড়ায়ে রহিল ঘাটে যত কুগনারী
 অশ্রুচোখে । হেমস্তের প্রভাত-শিশিরে
 ছলছল করে গ্রাম চূর্ণী নদীতীরে ।

যাত্রীদল ফিরে আসে ; সাজ হল মেলা ।
 তরনী তীরেতে বাঁধা অপরাহ্ন বেলা
 জোয়ারের আশে । কৌতুহল অবসান,
 কাঁদিতেছে রাখালের গৃহগত প্রাণ

মাসীর কোলের লাগি।—জল শুধু জল
 দেখে দেখে চিত্ত তার হয়েছে বিকল।
 মসৃণ চিক্ণ কৃষ্ণ কুটিল নিষ্ঠুর,
 লোলুপ লেলিহজিহ্ব সর্পসম ক্রুর
 খল জল ছলভরা, তুলি লক্ষ্য ফণা
 ফুঁসিছে গর্জ্জিছে নিত্য করিছে কামনা
 মৃত্তিকার শিশুদের, লালায়িত মুখ।
 হে মাটি, হে স্নেহময়ী, অয়ি মৌনমুক,
 অয়ি স্থির, অয়ি ক্রব, অয়ি পুরাতন,
 সর্ক-উপদ্রবসহা আনন্দভবন
 শ্রানল কোমলা ! বেথা যে কেহই থাকে
 অদৃশ্য দুবাহ্ন মেলি টানিছ তাহাকে
 অহরহ, অয়ি মুঞ্চে, কি বিপুল টানে
 দিগন্ত-বিস্তৃত তব শাস্ত বক্ষপানে।
 চঞ্চল বালক আসি প্রতি ক্ষণে ক্ষণে
 অধীর উৎসুককণ্ঠে শুধায় ব্রাহ্মণে
 “ঠাকুর, কখন আজি আসিবে জোয়ার ?”
 সহসা স্তমিত জলে আবেগ সঞ্চার
 ছই কূল চেতাইল আশার সংবাদে।
 ফিরিল তরীর মুখ ; মৃদু আর্তনাদে
 কাছিতে পড়িল টান,—কলশদগীতে
 সিন্ধুর বিজয়রথ পশিল নদীতে,—
 আসিল জোয়ার।—মাঝি দেবতারে স্মরি
 স্বরিত উত্তরমুখে খুলে দিল তরী।

রাখাল শুধায় আসি ব্রাহ্মণের কাছে
 “দেশে পঁছাছিতে আর কতদিন আছে?”

সূর্য্য অস্ত না যাইতে, ক্রোশ দুই ছেড়ে
 উত্তর বায়ুর বেগ ক্রমে উঠে বেড়ে ।
 রূপনারাণের মুখে পড়ি বালুচর
 সঙ্কীর্ণ নদীর পথে বাধিল সমর
 জোয়ারের স্রোতে আর উত্তরসমীরে
 উত্তাল উদাম । তরলী ভিড়াও তীরে
 উচ্চকণ্ঠে বারম্বার কহে যাত্রীদল ।
 কোথা তীর ! চারিদিকে ক্ষিপ্তোন্নতজল
 আপনার রুদ্রনৃত্যে দেয় করতালি
 লক্ষ লক্ষ হাতে । দিগন্তরে যায় দেখা
 অতি দূর তটপ্রান্তে নীল বনরেখা ;—
 অগ্র দিকে লুক্ক লুক্ক হিংস্র বারিরাশি
 প্রশান্ত সূর্য্যাস্ত পানে উঠিছে উচ্ছ্বাসি
 উদ্ধত বিদ্রোহভরে । নাহি মানে হাল,
 যুরে টলমল তরী অশান্ত মাতাল
 মুচসম । তীর শীতপবনের সনে
 মিশিয়া ত্রাসের হিম নরনারীগণে
 কাঁপাইছে থরহরি । কেহ হতবাক্,
 কেহ বা ক্রন্দন করে ছাড়ি উর্দ্ধডাক,
 ডাকি আত্মজনে । মৈত্র শুষ্ক পাংশু মুখে
 চক্ষু মুদি’ করে জপ । জননীর বৃকে

রাখাল লুকায়ে মুখ কাঁপিছে নীরবে ।
 তখন বিপন্ন মাঝি ডাকি কহে সবে—
 “বাবারে দিয়েছে ফাঁকি তোমাদের কেউ,
 যা মেনেছে দেয় নাই তাই এত চেউ,
 অসময়ে এ তুফান ! শুন এই বেলা,
 করহ মানৎ রক্ষা—করিয়ে না খেলা,
 ক্রুদ্ধ দেবতার সনে ।”—যার যত ছিল
 অর্থ বস্ত্র যাহা কিছু জলে ফেলি দিল
 না করি বিচার । তবু তখনি পলকে
 তরীতে উঠিল জল দারুণ ঝলকে ।
 মাঝি কহে পুনর্বার—“দেবতার ধন
 কে যায় ফিরায়ে লয়ে এই বেলা শোন্ ।”
 ব্রাহ্মণ সহসা উঠি কহিলা তখনি
 মোক্ষদারে লক্ষ্য করি—“এই সে রমণী
 দেবতারে সাঁপি দিয়া আপনার ছেলে
 চুরি করে নিয়ে যায় !”—“দাও তারে ফেলে”
 একবাক্যে গর্জি উঠে তরাসে নিষ্ঠুর
 যাত্রী সবে । কহে নারী “হে দাদাঠাকুর
 রক্ষা কর, রক্ষা কর ।” দুই দৃঢ় করে
 রাখালেরে প্রাণপণে বক্ষে চাপি ধরে ।

ভৎসিয়া গর্জিয়া উঠি কহিলা ব্রাহ্মণ
 “আমি তোমার রক্ষাকর্তা ! রোষে নিশ্চতন

মা হয়ে আপন পুত্র দিলি দেবতারে,
শেষকালে আমি রক্ষা করিব তাহারে !
শোধ দেবতার ঋণ ! সত্য ভঙ্গ করে
এতগুলি প্রাণী তুই ডুবা বি সাগরে !”

মোক্ষদা কহিল “অতি মূর্খ নারী আমি,
কি বলেছি রোষবশে,—ওগো অন্তর্যামী
সেই সত্য হল ? সে যে মিথ্যা কতদূর
তখনি শুনে কি তুমি বোঝনি ঠাকুর ?
শুধু কি মুখের বাক্য শুনেছ দেবতা ?
শোননি কি জননীর অন্তরের কথা ?”
বলিতে বলিতে যত মিলি মাঝি দাঁড়ি
বল করি রাখালেরে নিল ছিঁড়ি কাড়ি
মার বক্ষ হতে । মৈত্র মুদি হই আঁখি
ফিরায়ে রহিল মুখ কানে হাত ঢাকি,
দস্তে দস্ত চাপি বলে । কে তাঁরে সহসা
মর্মে মর্মে আঘাতিল বিদ্যাতের কশা,
দংশিল বৃশ্চিকদংশ ।—“মাসী, মাসী, মাসী”
বিঙ্কিল বহির শলা রুদ্ধ কর্ণে আসি
নিরুপায় অনাথের অস্তিমের ডাক ।
চীৎকারি উঠিলা বিপ্র—“রাখ্ রাখ্ রাখ্ !”
চকিতে হেরিলা চাহি মুচ্ছি আছে পড়ে
মোক্ষদা চরণে তাঁর ।—মুহূর্তের তরে

ফুটন্ত তরঙ্গ মাঝে মেলি আর্ন্ত চোখ
 মাসী বলি ফুকরিয়া মিলাল বালক
 অনন্ত তিমির তলে ;—শুধু ক্ষীণ মুষ্টি
 বারেক ব্যাকুলবলে উর্দ্ধপানে উঠি
 আকাশে আশ্রয় খুঁজি ডুবিল হতাশে ।
 “ফিরায়ে আনিব তোরে” কহি উর্দ্ধধামে
 ব্রাহ্মণ মুহূর্ত্তমাঝে ঝাঁপ দিল জলে ।
 আর উঠিল না । সূর্য্য গেল অন্তাচলে ।—

১৩ই কার্তিক, ১৩০৩

মস্তক বিক্রয়

(মহাবত্ৰবদান)

কোশল নৃপতির তুলনা নাই,
 জগৎ জুড়ি যশোগাথা ;
 ক্ষণের তিনি সদা শরণ ঠাঁই,
 দীনের তিনি পিতামাতা ।
 সে কথা কাশীরাজ শুনিতে পেয়ে
 অলিয়া মরে অভিমানে ;—
 “আমার প্রজাগণ আমার চেয়ে
 তাহারে বড় করি মানে !

আমার হতে যার আসন নীচে
 তাহার দান হল বেশি !
 ধর্ম দয়া মায়া সকলি মিছে,
 এ শুধু তার বেষারেষি ।”
 কহিল। “সেনাপতি, ধর কৃপাণ,
 মৈত্র্য কর সব জড় !
 আমার চেয়ে হবে পুণ্যবান্,
 স্পর্ধা বাড়িয়াছে বড় ।”
 চলিল কাশীরাজ যুদ্ধক্ষেত্রে,—
 কোশলরাজ হারি রণে
 রাজ্য ছাড়ি দিয়া ক্ষুদ্র লাজে
 পলায়ে গেল দূরবনে ।
 কাশীর রাজা হাসি কহে তখন
 আপন সভাসদ মাঝে—
 “ক্ষমতা আছে যার রাখিতে ধন
 তারেই দাতা হওয়া সাজে ।”

সকলে কাঁদি বলে—“দারুণ রাহু
 এমন চাঁদেরেও হানে !
 লক্ষ্মী খোঁজে শুধু বলীর বাহু
 চাহে না ধর্মের পানে ।”—
 “আমরা হইলাম পিতৃহারা”—
 কাঁদিয়া কহে দশদিক্—

“সকল জগতের বন্ধু যারা

তাঁদের শত্রুরে ধিক্!”

শুনিয়া কাশীরাজ উঠিল রাগি’

“নগরে কেন এত শোক !

আমি ত আছি তবু কাহার লাগি

কাঁদিয়া মরে যত লোক !

আমার বাহুবলে হারিয়া তবু

আমারে করিবে সে জয় !

অরির শেষ নাহি রাখিবে কভু

শাস্ত্রে এই মত কয় ।

মন্ত্রী রটি দাও নগর মাঝে,

ঘোষণা কর চারিধারে—

যে ধরি আনি দিবে কোশলরাজে

কনক শত দিব তারে ।”

ফিরিয়া রাজদূত সকল বাটি

রটনা করে দিনরাত ।

যে শোনে, আঁখি মুদি রসনা কাটি

শিহরি কানে দেয় হাত ।

রাজ্যহীন রাজা গহনে ফিরে

মলিন চীর দীনবেশে ।

পথিক একজন অশ্রুণীরে

একদা শুধাইল এসে,—

“কোথা গো বনবাসী বনের শেষ,
 কোশলে যাব কোন্ মুখে !”
 শুনিয়া রাজা কহে, “অভাগা দেশ,
 সেথায় যাবে কোন্ হুখে ?”
 পথিক কহে “আমি বণিক্‌জাতি,
 ডুবিয়া গেছে মোর তরী ।
 এখন্‌ দ্বারে দ্বারে হস্ত পাতি
 কেমনে রব প্রাণ ধরি ।
 করুণা-পারাবার কোশলপতি
 শুনেছি নাম চারিধারে,
 অনাথনাথ তিনি দীনের গতি,
 চলেছে দীন তাঁরি দ্বারে ।”
 শুনিয়া নৃপস্নত ঈষৎ হেসে
 রুধিলা নয়নের বারি,
 নীরবে ফণকাল ভাবিয়া শেষে
 কহিলা নিশ্বাস ছাড়ি,—
 “পাহু যেথা তব বাসনা পূরে
 দেখায়ৈ দিব তাঁরি পথ ।
 এসেছ বহু হুখে অনেক দূরে
 সিদ্ধ হবে মনোবথ ।”

বসিয়া কাশীরাজ সভার মাঝে ;
 দাঁড়াল জটাধারী এসে ।

“হেথায় আগমন কিসের কাজে ?”

নৃপতি শুধাইল হেসে ।

“কোশলরাজ আমি, বন ভবন”

কহিলা বনবাসী ধীরে,—

“আমার ধরা পেলে যা দিবে পণ

দেহ তা মোর সাথীটিরে ।”

উঠিল চমকিয়া সভার লোকে,

নীরব হল গৃহতল,

বন্দ্য-আবরিত দ্বারীর চোখে

অশ্রু করে ছলছল ।

মৌন রহি রাজা ক্ষণেক তরে

হাসিয়া কহে—“ওহে বন্দী,

মরিয়া হবে জয়ী আমার পরে

এমনি করিয়াছ বন্দী !

তোমার সে আশায় হানিব বাজ,

জিনিব আজিকার রণে,

রাজ্য ফিরি দিব, হে মহারাজ,

হৃদয় দিব তারি সনে ।”

জীর্ণ-চীর-পরা বনবাসীরে

বসাল নৃপ রাজাসনে,

মুকুট তুলি দিল মলিন শিরে,

ধন্য কহে পুরজনে ।

পূজারিণী

(অবদান শতক)

নৃপতি বিম্বিসার

নমিয়া বুদ্ধে মাগিয়া গইলা

পাদ-নখ-কণা তাঁর ।

স্থাপিয়া নিভৃত প্রাসাদ-কাননে

তাহারি উপরে রচিলা যতনে

অতি অপক্লপ শিলাময় স্তূপ

শিল্লশোভার সার ।

সন্ধ্যাবেলায় গুচিবাস পরি

রাজবধু রাজবালা

আসিতেন, ফুল সাজায়ে ডালায়,

স্তূপপদমূলে সোনার থালায়

আপনার হাতে দিতেন জালায়ে

কনক প্রদীপমালা ।

অজাতশত্রু রাজা হল যবে,

পিতার আসনে আসি

পিতার ধর্ম শোণিতের স্রোতে

মুছিয়া ফেলিল রাজপুরী হতে,

সঁপিল যজ্ঞ-অনল-আলোতে

বৌদ্ধ-শাস্ত্ররাশি ।

কহিলা ডাকিয়া অজাতশত্রু
 রাজপুরনারী সবে,—
 বেদ ব্রাহ্মণ রাজা ছাড়া আর
 কিছু নাই ভবে পূজা করিবার
 এই ক'টি কথা জেনো মনে সার—
 ভুলিলে বিপদ হবে ।

সেদিন শারদ-দিবা-অবসান,—
 শ্রীমতী নামে সে দাসী
 পুণ্যশীতল সলিলে নাহিয়া
 পুষ্প প্রদীপ থালায় বাহিয়া
 রাজমহিষীর চরণে চাহিয়া
 নীরবে দাঁড়াল আসি ।
 শিহরি সভয়ে মহিষী কহিলা—
 এ কথা নাহি কি মনে
 অজাতশত্রু করেছে রটনা—
 স্তূপে যে করিবে অর্ঘ্যারচনা
 শূলের উপরে মরিবে সে জনা
 অথবা নিৰ্বাসনে !

সেথা হতে ফিরি গেল চলি ধীরে
 বধু অমিতার ঘরে ।
 সমুখে রাখিয়া স্বর্ণ-মুকুর
 বাঁধিতেছিল সে দীর্ঘ চিকুর,

আঁকিতেছিল সে যত্নে সিঁছুর
 সিঁথির সীমার পরে ।
 শ্রীমতীরে হেরি বাঁকি গেল রেখা
 কাঁপি গেল তার হাত,—
 কহিল, 'অবোধ, কি সাহস-বলে
 এনেছিস পূজা, এখনি যা চলে',
 কে কোথা দেখিবে, ঘটবে তাহলে
 বিষম বিপদপাত ।

অস্ত-রবির রশ্মি-আভাষ
 খোলা জানালার ধারে
 কুমারা গুল্লা বসি একাকিনী
 পাড়িতে নিরত কাব্য-কাহিনী,
 চমকি উঠিল শুনি কিঙ্কণী
 চাহিয়া দেখিল দ্বারে ।
 শ্রীমতীরে হেরি পুঁথি রাখি ভূমে
 দ্রুতপদে গেল কাছে ।
 কহে সাবধানে তার কানে কানে
 রাজার আদেশ আজি কে না জানে,
 এমনি করে কি মরণের পানে
 ছুটিয়া চলিতে আছে ?
 দ্বার হতে দ্বারে ফিরিল শ্রীমতী
 লইয়া অর্ঘ্যখালি ।

“হে পুরবাসিনী” সবে ডাকি কয়,—

“হয়েছে প্রভুর পূজার সময়”—

শুনি ঘরে ঘরে কেহ পায় ভয়

কেহ দেয় তারে গালি ।

দ্বিবসের শেষ আলোক মিলাল

নগর মৌধপরে ।

পথ জনহীন আঁধারে বিলীন,

কলকে লাহল হয়ে এল ক্ষীণ,

আরতিঘণ্টা ধ্বনিগ প্রাচীন

রাজ-দেবালয় যবে ।

শারদ নিশির স্বচ্ছ তিমিরে

জলে অগণ্য তারা ।

সিংহদুয়ারে বাজিল বিঘাগ,

বন্দীরা ধরে সঙ্কার তান,

“মন্ত্রণাসভা হল সমাধান”

দারী ফুকারিয়া বলে ।

এমন সময়ে হেরিলা চমকি

প্রাসাদে প্রহরী যত—

রাজার বিজন কানন মাঝারে

স্তূপপদমূলে গহন আঁধারে

জ্বলিতেছে কেন, যেন সারে সারে

প্রদীপমালার মত ।

মুক্তকুপাণে পুররক্ষক
 তখনি ছুটিয়া আসি
 শুধাল—“কে তুই ওরে ছন্দ্রতি,
 মরিবার তরে করিস্ আরতি !”
 মধুর কর্ণে শুনিল “শ্রীমতী
 আমি বুদ্ধের দাসী ।”
 সেদিন শুভ্র পাষণ-ফলকে
 পড়িল রক্ত-লিখা ।
 সেদিন শারদ স্বচ্ছ নিশীথে
 প্রাসাদ-কাননে নীরবে নিভূতে
 স্তূপপদমূলে নিবিল চকিতে
 শেষ আরতির শিখা ।

১৮ই আশ্বিন, ১৩০৬

অভিসার

(বোধিসত্ত্বাবদান-কল্পলতা)

সত্ৰাসী উপগুপ্ত
 মথুরাপুরীর প্রাচীরের তলে
 একদা ছিলেন স্তম্ভ ;—
 নগরীর দীপ নিবেছে পবনে,
 ছয়ার রুদ্ধ পোর ভবনে,
 নিশাথের তারা শ্রাবণ-গগনে
 ঘন মেঘে অবলুপ্ত ।

কাহার নূপুরশিঞ্জিত পদ

সহসা বাঞ্জিল বক্ষে ।

সত্ৰাসীবর চমকি জাগিল,

স্বপ্নজড়িমা পলকে ভাগিল,

রুঢ় দীপের আলোক লাগিল

ক্ষমা-সুন্দর চক্ষে ।

নগরীর নটী চলে অভিসারে

যৌবনমদে মত্তা ।

অঙ্গে আঁচল স্ননীল বরণ,

রুল্লুবুহু রবে বাজে আভরণ ;

সত্ৰাসী গায়ে পড়িতে চরণ

থামিল বাসবদত্তা ।

প্রদীপ ধরিয়া হেরিল তাঁহার

নবীন গোর-কাস্তি ।

সৌম্য সহাস তরুণ বয়ান,

করুণা কিরণে বিকচ নয়ান,

শুভ্র ললাটে ইন্দু সমান

ভাতিছে স্নিগ্ধ শাস্তি ।

কহিল রমণী ললিত কণ্ঠে,

নয়নে জড়িত লজ্জা ;—

ক্ষমা কর মোরে কুমার কিশোর,

দয়া কর যদি গৃহে চল মোর,

এ ধরণীতল কঠিন কঠোর,

এ নহে তোমার শয্যা ।

সত্যসী কহে করুণ বচনে,
 অগ্নি লাভণ্যপুঞ্জ !
 এখনো আমার সময় হয়নি,
 যেথায় চলেছ, যাও তুমি ধনী,
 সময় যেদিন আসিবে, আপনি
 যাইব তোমার কুঞ্জে ।
 সহসা ঝঞ্জা তড়িৎশিখায়
 মেলিল বিপুল আশ্রয় ।
 রমণী কাঁপিয়া উঠিল তরাসে,
 প্রলয়গঞ্জ বাজিল বাতাসে,
 আকাশে বজ্র ঘোর পরিহাসে
 হাসিল অট্টহাস্র ।

বর্ষ তখনো হয় নাই শেষ,
 এসেছে চৈত্রসন্ধ্যা ।
 বাতাস হয়েছে উতলা আকুল,
 পথ-তরুশাথে ধরেছে মুকুল,
 রাজার কাননে ফুটেছে বকুল
 পারুল রজনীগন্ধা ।
 অতি দূর হতে আসিছে পবনে
 বাঁশির মদির-মন্ত্র ।
 জনহীন পুরী, পুরবাসী সবে
 গেছে মধুবনে ফুল-উৎসবে,

শূন্য নগরী নিরখি নীরবে

হাসিছে পূর্ণচন্দ্র ।

নির্জ্বল পথে জ্যোৎস্না আলোতে

সন্ধ্যাসী একা যাত্রী ।

মাথার উপরে তরুবীথিকার

কোকিল কুহরি উঠে বারবার,

এতদিন পরে এসেছে কি তাঁর

আজি অভিসার রাত্রি ?

নগর ছাড়ায়ে গেলেন দণ্ডী

বাহির প্রাচীর প্রান্তে ।

দাঁড়ালেন আসি পরিখার পারে,

আত্মবনের ছায়ার আধারে,

কে ওই রমণী পড়ে একধারে

তঁহার চরণোপান্তে !

নিদারুণ রোগে মারী-গুটিকায়

ভরে গেছে তার অঙ্গ ।

রোগমসী ঢালা কালী তনু তার

লয়ে প্রজাগণে, পুর-পরিখার

বাহিরে ফেলেছে, করি পরিহার

বিষাক্ত তার সঙ্গ ।

সন্ধ্যাসী বসি আড়ষ্ট শির

তুলি নিল নিজ অঙ্কে ।

ঢালি দিল জল শুষ্ক অধরে,

মন্ত্র পাড়িয়া দিল শিরপরে,

লেপি দিল দেহ আপনার করে

শীত চন্দনপঙ্কে ।

ঝরিছে মুকুল, কুঞ্চিত কোকিল,

যামিনী জোছনামস্তা ।

“কে এসেছ তুমি ওগো দয়াময়”

শুধাইল নারী, সন্ধ্যাসী কয়

“আজি রজনীতে হয়েছে সময়

এসেছি বাসবদস্তা ।”

১৯শে আশ্বিন, ১৩০৬

পরিশোধ

(মহাবস্তুবদান)

রাজকোষ হতে চুরি ! ধরে আন্ চোর,

নহিলে, নগরপাল, রক্ষা নাহি তোঁর,

মুণ্ড রহিবে না দেহে !—রাজার শাসনে

রক্ষীদল পথে পথে ভবনে ভবনে

চোর খুঁজে খুঁজে ফিরে । নগর-বাহিরে

ছিল শুয়ে বজ্রসেন বিদীর্ণ মন্দিরে,

বিদেশী বণিক্ পাশ্বে তক্ষশিলাবাসী ;

অশ্ব বেচিবার তরে এসেছিল কাশী,

দস্যুহস্তে খোয়াইয়া নিঃস্বরিক্ত শেষে
 ফিরিয়া চলিতেছিল আপনার দেশে
 নিরাশ্বাসে । তাহারে ধরিল চোর বলি' ;
 হস্তে পদে বাঁধি তার লোহার শিকল
 লইয়া চলিল বন্দীশালে ।

সেইক্ষণে

সুন্দরী-প্রধানা শ্রামা বসি বাতায়নে
 প্রহর যাপিতেছিল আলস্তে কৌতূকে
 পথের প্রবাহ হেরি' ;—নয়নসম্মুখে
 স্বপ্নসম লোকযাত্রা । সহসা শিহরি'
 কাঁপিয়া কহিল শ্রামা,—আহা মরি মরি
 মহেন্দ্রনিন্দিত কান্তি উন্নতদর্শন
 করে বন্দী করে আনে চোরের মতন
 কঠিন শৃঙ্খলে ! শীত্র বা'লো সহচরী
 বল্গে নগরপালে মোর নাম করি—
 শ্রামা ডাকিতেছে তারে ; বন্দী সাথে লয়ে
 একবার আসে যেন এ ক্ষুদ্র আলয়ে
 দয়া করি' ।—শ্রামার নামের মন্ত্রগুণে
 উতলা নগররক্ষী আমন্ত্রণ শুনে
 রোনাধিত ; সত্বর পশিল গৃহমাবে
 পিছে বন্দী বজ্রসেন নতশির লাজে
 আরক্ত কপোল । কহে রক্ষী হাশ্বভরে—
 অতিশয় অসময়ে অভাজনপরে

অবাচিত অনুগ্রহ,—চলেছি সম্প্রতি
 রাজকাজে,—সুদর্শনে, দেহ অনুমতি !
 বজ্রসেন তুলি শির সহসা কহিলা—
 একি লীলা, হে সুন্দরী, একি তব লীলা !
 পথ হতে ঘরে আনি কিসের কৌতুকে
 নির্দোষী এ প্রবাসীর অবমানহুখে
 করিতেছ অবমান ।—শুনি শ্রামা কহে,
 হায় গো বিদেশী পাস্থ কৌতুক এ নহে ।
 আমার অঙ্গেতে যত স্বর্ণ অলঙ্কার
 সমস্ত সঁপিয়া দিয়া শৃঙ্খল তোমার
 নিতে পারি নিজ দেহে ; তব অপমানে
 মোর অন্তরাগ্না আজি অপমান মানে ।
 এত বলি সিক্তপঙ্ক ছুটি চক্ষু দিয়া
 সমস্ত লাঞ্ছনা যেন লইল মুছিয়া
 বিদেশীর অঙ্গ হতে । কহিল রক্ষীরে
 আমার যা আছে লয়ে নির্দোষী বন্দীরে
 মুক্ত করে দিয়ে যাও ।—কহিল প্রহরী
 তব অনুনয় আজি ঠেলিহু সুন্দরী
 এত এ অসাধ্য কাজ । হত রাজকোষ,
 বিনা কারো প্রাণপাতে নৃপতির রোষ
 শাস্তি মানিবে না ।—ধরি প্রহরীর হাত
 কাতরে কহিল শ্রামা,—শুধু ছুটি রাত
 বন্দীরে বাঁচায়ে রেখো এ মিনতি করি !—
 রাখিব তোমার কথা,—কহিল প্রহরী ।

দ্বিতীয় রাত্রির শেষে খুলি বন্দীশালা
 রমণী পশিল কক্ষে, হাতে দীপ জ্বালা',
 লোহার শৃঙ্খলে বাঁধা যেথা বজ্রসেন—
 মৃত্যুর প্রভাত চেয়ে মোনী জপিছেন
 ইষ্টনাম । রমণীর কটাক্ষ-ইঙ্গিতে
 রক্ষী আসি খুলি দিল শৃঙ্খল চকিতে ।
 বিশ্বয়-বিহ্বল নেত্রে বন্দী নিরখিল
 সেই শুভ্র সুকোমল কমল-উন্মীল
 অপরূপ মুখ । কহিল গদগদ স্বরে —
 “বিকারের বিভীষিকারজনীর পরে
 করধৃত গুণতারা শুভ্রউষাসম
 কে তুমি উদিলে আসি কারাকক্ষে মম—
 মুমূর্ষুর প্রাণরূপা, মুক্তিরূপা অগ্নি
 নির্ধূর নগরী মাঝে লক্ষ্মী দয়াময়ী ।”—
 “আমি দয়াময়ী !” রমণীর উচ্চহাসে
 চকিতে উঠিল জাগি নব ভয়ক্রাসে
 ভয়ঙ্কর কারাগার । হাসিতে হাসিতে
 উন্মত্ত উৎকট হাস্য শোকাশ্রুশিথিতে
 শতধা পড়িল ভাঙি । কাঁদিয়া কহিলা—
 এ পুরীর পথমাঝে যত আছে শিলা
 কঠিন শ্রামার মত কেহ নাহি আর !—
 এত বলি দৃঢ়বলে ধরি হস্ত তার
 বজ্রসেনে লয়ে গেল কারার বাহিরে ।
 তখন জাগিছে উষা বরুণার তীরে,

পূর্ব বনাস্তরে । ঘাটে বাঁধা আছে তরী ।
 “হে বিদেশী এস এস” কহিল সুন্দরী
 দাঁড়িয়ে নৌকার পরে—“হে আমার প্রিয়
 শুধু এই কথা মোর স্মরণে রাখিয়ো—
 তোমা সাথে এক স্রোতে ভাসিলাম আমি
 সকল বন্ধন টুটি’ হে হৃদয়স্বামী
 জীবনমরণপ্রভু !—নৌকা দিল খুলি ।
 ছুই তীরে বনে বনে গাহে পাখীগুলি
 আনন্দ-উৎসব গান । প্রেয়সীর মুখ
 ছুই বাহু দিয়া তুলি ভরি নিজ বুক
 বজ্রসেন শুধাইল—কহ মোরে প্রিয়ে,
 আমারে করেছ মুক্ত কি সম্পদ দিয়ে ।
 সম্পূর্ণ জানিতে চাহি অগ্নি বিদেশিনী
 এ দীন দরিদ্রজন তব কাছে ঋণী
 কত ঋণে ?”—আলিঙ্গন ঘনতর করি
 “সে কথা এখন নহে” কহিল সুন্দরী ।

নৌকা ভেসে চলে যায় পূর্ণ বায়ুভরে
 তূর্ণ স্রোতোবেগে । মধ্য গগনের পরে
 উদিল প্রচণ্ড সূর্য্য । গ্রামবধূগণ
 গৃহে ফিরে গেছে করি স্নানসমাপন
 সিন্ধুবস্ত্রে, কাংশ্রঘটে লয়ে গঙ্গাজল ।
 ভেঙে গেছে প্রভাতের হাট ; কোলাহল

খেমে গেছে দুই তীরে ; জনপদ-বাট
 পাহুহীন । বটতলে পাষাণের ঘাট,
 সেথায় বাঁধিল নৌকা স্নানাহারতরে
 কর্ণধার । বনচ্ছায়া স্তব্ধ শব্দহীন ;
 অলস পতঙ্গ শুধু গুঞ্জে দীর্ঘ দিন ;
 পক্ষশত্রুগন্ধহরা মধ্যাহ্নের বায়ে
 শ্রামার ঘোমটা যবে ফেলিল খসায়ে
 অকস্মাৎ,—পরিপূর্ণ প্রণয়পীড়ায়
 ব্যথিত ব্যাকুল বক্ষ—কণ্ঠরুদ্ধপ্রায়
 বজ্রসেন কানে কানে কহিল শ্রামারে—
 “ক্ষণিক শৃঙ্খল মুক্ত করিয়া আমারে
 বাঁধিয়াছ অনন্ত শৃঙ্খলে । কি করিয়া
 সাধিলে দুঃসাধ্য ব্রত কহ বিবরিয়া ।
 নোর লাগি কি করেছ জানি যদি প্রিয়ে
 পরিশোধ দিব তাহা এ জীবন দিয়ে
 এই নোর পণ ।”—বজ্র টানি মুখপরি
 সে কথা এখনো নহে—কহিল সুন্দরী ।

গুটায় সোনার পাল স্নদূরে নীরবে
 দিনের আলোকতরী চলি গেল যবে
 অস্তঅচলের ঘাটে,—তীর-উপবনে
 লাগিল শ্রামার নৌকা সন্ধ্যার পবনে ।
 গুরু চতুর্থীর চন্দ্র অস্তগত প্রায়,—
 নিস্তরঙ্গ শাস্ত জলে সুদীর্ঘ রেখায়

ঝিকিঝিকি করে ক্ষীণ আলো ; ঝিল্লিষনে
 তরুমূল-অন্ধকার কাঁপিছে সঘনে
 বীণার তন্ত্রী মত । প্রদীপ নিবাসে
 তরীবাতায়নতলে দক্ষিণের বায়ে
 ঘন-নিঃশ্বাসিত মুখে যুবকের কাঁধে
 হেলিয়া বসেছে শ্যামা ; পড়েছে অবাধে
 উন্মুক্ত সুগন্ধ কেশরাশি, সুকোমল
 তরঙ্গিত তমোজালে ছেয়ে বক্ষতল
 বিদেশীর—সুনিবিড় তন্দ্রাজালসম ।
 কহিল অক্ষুটকণ্ঠে শ্যামা,—প্রিয়তম,
 তোমা লাগি যা করেছি কঠিন সে কাজ
 সুকঠিন—তারো চেয়ে সুকঠিন আজ
 সে কথা তোমারে বলা । সংক্ষেপে সে কব—
 একবার শুনে মাত্র মন হতে তব
 সে কাহিনী মুছে ফেলো ।

বালক কিশোর

উত্তীয় তাহার নাম, ব্যর্থ প্রেমে মোর
 উন্মত্ত অধীর । সে আমার অনুনয়ে
 তব চুরিঅপবাদ নিজস্বন্ধে লয়ে
 দিয়েছে আপন প্রাণ । এ জীবনে মম
 সর্বাধিক পাপ মোর, ওগো সর্বোত্তম,
 করেছি তোমার লাগি এ মোর গোরব ।—

ক্ষীণ চন্দ্র অন্ত গেল—অরণ্য নীরব
 শত শত বিহঙ্গের স্রুষ্টি বহি শিরে
 দাঁড়ায়ে রছিল স্তব্ধ । অতি ধীরে ধীয়ে
 রমণীর কটি হতে প্রিয়বাহুডোর
 শিথিল পড়িল খসে ; বিচ্ছেদ কঠোর
 নিঃশব্দে বসিল দৌহা মাঝে ; বাক্যহীন
 বজ্রসেন চেয়ে রহে আড়ষ্ট কঠিন
 পাষণ পুত্তলি ; মাথা রাখি তার পায়ে
 ছিন্নলতাসম শ্রামা পড়িল লুটায়ে
 আলিঙ্গনচ্যুতা ; মসৌকুঞ্চ নদীনীরে
 তীরের তিমিরপুঞ্জ বনাইল ধীরে ।

সহসা যুবর জালু সবলে বাঁধিয়া
 বাহুপাশে—আর্তনারী উঠিল কাঁদিয়া
 অশ্রুহারা শুষ্ককর্ণে—ক্ষমা কর নাথ,
 এ পাপের বাহা দণ্ড সে অভিসম্পাত
 হোক বিধাতার হাতে নিদারুণতর—
 তোমা লাগি যা করেছি তুমি ক্ষমা কর ।
 চরণ কাড়িয়া লয়ে চাহি তার পানে
 বজ্রসেন বলি উঠে—আমার এ প্রাণে
 তোমার কি কাজ ছিল ! এ জন্মের লাগি
 তোর পাপ মূল্যে কেনা মহাপাপভাগী
 এ জীবন করিলি ধিকৃত । কলঙ্কিনী,
 ধিক এ নিশ্বাস মোর তোর কাছে ঋণী !

ধিক্ এ নিমেষপাত প্রত্যেক নিমেষে !
 এত বলি উঠিল সবলে । নিরুদ্ধেশে
 নৌকা ছাড়ি চলি গেলা তীরে—অন্ধকারে
 বনমাঝে । শুষ্কপত্ররাশি পদভারে
 শব্দ করি বনানীরে করিল চকিত
 প্রতিফলে ; ঘন গুল্মগন্ধ পুঞ্জীকৃত
 বায়ুশূন্য বনতলে ; তরুকাণ্ডগুলি
 চারিদিকে আঁকাবাঁকা নানা শাখা তুলি
 অন্ধকারে ধরিয়াছে অসংখ্য আকার
 বিকৃত বিরূপ ; রুদ্ধ হল চারিধার ;
 নিস্তরু নিষেধসম প্রসারিল কর
 লতাশৃঙ্খলিত বন । শ্রান্তকলেবর
 পথিক বসিল ভূমে । কে তার পশ্চাতে
 দাঁড়াইল উপছায়াসম ! সাথে সাথে
 অন্ধকারে পদে পদে তারে অনুসরি
 আসিয়াছে দীর্ঘ পথ মোনী অনুচরী
 রক্তসিক্ত পদে । ছই মুষ্টি বন্ধ করে’
 গর্জ্জিল পথিক—“তবু ছাড়িবি না মোরে !”
 রমণী বিছাৎবেগে ছুটিয়া পড়িয়া
 বহ্নার তরঙ্গসম দিল আবরিয়া
 আলিঙ্গনে কেশপাশে স্রস্ত বেশবাসে
 আত্মাণে চুষনে স্পর্শে সঘন নিশ্বাসে
 সর্ব্ব অঙ্গ তার ; আর্দ্র গদ্গদ-বচনা
 কর্ণরুদ্ধপ্রায় ;—ছাড়িবি না ছাড়িবি না

কহে বারম্বার ; তোমা লাগি পাপ নাথ,
 তুমি শাস্তি দাও মোরে, কর মর্ম্ম-ঘাত,
 শেষ করে দাও মোর দণ্ড পুরস্কার ।—
 অরণ্যের গ্রহতারাহীন অন্ধকার
 অন্ধভাবে কি যেন করিল অনুভব
 বিভীষিকা । লক্ষ লক্ষ তরুমূলসব
 মাটির ভিতরে থাকি শিহরিল ত্রাসে ।
 বারেক ধ্বনিল রুদ্ধ নিষ্পেষিত স্বাসে
 অন্তিম কাকুতি স্বর,—তারি পরক্ষণে
 কে পড়িল ভূমিপরে অসাড় পতনে ।

বজ্রসেন বন হতে ফিরিল যখন
 প্রথম উষার করে বিদ্যুৎ বরণ
 মন্দির-ত্রিশূল-চূড়া জাহ্নবীর পারে ।
 জনহীন বালুতটে নদী ধারে ধারে
 কাটাইল দীর্ঘ দিন ক্ষিপ্তের মতন
 উদাসীন । মধ্যাহ্নের জ্বলন্ত তপন
 হানিল সর্বদিকে তার অগ্নিময়ী কশা ।
 ঘটকক্ষে গ্রামবধু হেরি তার দশা
 কহিল করুণ কণ্ঠে—“কে গো গৃহছাড়া
 এস আমাদের ঘরে !” দিল না সে সাড়া ।
 তুষায় ফাটিল ছাতি,—তবু স্পর্শিল না
 সস্মুখের নদী হতে জল এককণা ।

দিনশেষে জ্বরতপ্ত দগ্ধ কলেবরে
 ছুটিয়া পশিল গিয়া তরণীর পরে
 পতঙ্গ যেমন বেগে অগ্নি দেখে ধায়
 উগ্র আগ্রহের ভরে । হেরিল শয্যায়
 একটি নূপুর আছে পড়ি । শতবার
 রাখিল বক্ষেতে চাপি । বঙ্কার তাহার
 শতমুখ শরসম লাগিল বর্ষিতে
 হৃদয়ের মাঝে । ছিল পড়ি একভিতে
 নীলাম্বর বস্ত্রখানি,—রাশীকৃত করি
 তারি পবে মুখ রাখি রহিল সে পড়ি—
 সুকুমার দেহগন্ধ নিঃশ্বাসে নিঃশেষে
 লইল শোষণ করি অতৃপ্ত আবেশে ।
 গুরু পঞ্চমীর শশি অন্তাচলগামী
 সপ্তপর্ণ তরুশিরে পড়িয়াছে নামি'
 শাখাঅন্তরালে । ছই বাহু প্রসারিয়া
 ডাকিতেছে বজ্রসেন—এস এস প্রিয়া—
 চাহি অরণ্যের পানে । হেনকালে তীরে
 বালুতটে ঘনকৃষ্ণ বনের তিমিরে
 কার মূর্তি দেখা দিল উপছায়াসম—
 “এস এস প্রিয়া !” “আসিয়াছি প্রিয়তম !”
 চরণে পড়িল শ্যামা—“ক্ষম মোরে ক্ষম !
 গেল না ত সুকঠিন এ পরাণ মম
 তোমার করুণ করে ।” শুধু ক্ষণতরে
 বজ্রসেন তাকাইল তার মুখপরে,—

ক্ষণতরে আলিঙ্গনলাগি বাহু মেলি,
 চমকি উঠিল,—তারে দূরে দিল ঠেলি,
 গরজিল—“কেন এলি, কেন ফিরে এলি !”
 বক্ষ হতে নূপুর লইয়া—দিল ফেলি
 জলন্ত অঙ্গারসম—নীলাম্বরখানি
 চরণের কাছ হতে ফেলে দিল টানি ;
 শয্যা যেন অগ্নিশয্যা, পদতলে থাকি
 লাগিল দহিতে তারে ; মুদি ছই আঁধি
 কহিল ফিরায়ে মুখ—“যাও যাও ফিরে
 মোরে ছেড়ে চলে যাও !” নারী নতশিরে
 ক্ষণতরে রহিল নীরবে । পরক্ষণে
 ভূতলে রাখিয়া জাহ্নু যুবাব চরণে
 প্রণমিল—তার পরে নামি নদীতীরে
 আঁধার বনের পথে চলি গেল ধীরে—
 নিদ্রাভঙ্গে ক্ষণিকের অপূর্ব স্বপন
 নিশার তিমির মাঝে মিলায় যেমন ।

২৩শে আশ্বিন, ১৩০৬

বিসর্জন

দুইটি কোলের ছেলে গেছে পর-পর
 বয়স না হতে হতে পূবা ছ'বছর ।
 এবার ছেলেটি তার জন্মিল যখন—
 স্বামীরেও হারাল মল্লিকা । বন্ধুজন
 বুঝাইল,—পূর্বজন্মে ছিল বহু পাপ
 এ জনমে তাই হেন দারুণ সন্তাপ ।
 শোকানলদগ্ধ নারী একান্ত বিনয়ে
 অজ্ঞাত জন্মের পাপ শিরে বহি লয়ে
 প্রায়শ্চিত্তে দিল মন । মন্দিরে মন্দিরে
 যেথা সেথা গ্রামে গ্রামে পূজা দিয়া ফিরে ;
 ব্রতধ্যান উপবাসে আস্থিকে তর্পণে
 কাটে দিন ধূপে দীপে নৈবেদ্যে চন্দনে
 পূজাগৃহে ; কেশে বাঁধি রাখিল মাছলি
 কুড়াইয়া শত ব্রাহ্মণের পদধূলি ;—
 শুনে রামায়ণ কথা,—সত্যাসী সাধুরে
 ধরে আনি আশীর্বাদ করায় শিশুরে ।
 বিশ্বনাথে আপনারে রাখি সর্কনীচে
 সবার প্রসন্ন দৃষ্টি অভাগী মাগিছে
 আপন সন্তান লাগি । সূর্য্য চন্দ্র হতে
 পশু পক্ষী পতঙ্গ অবধি—কোন মতে

কেহ পাছে কোন অপরাধ লয় মনে
 পাছে কেহ করে ক্ষোভ, অজানা কারণে
 পাছে কারো লাগে ব্যথা—সকলের কাছে
 আকুল বেদনাভরে দীন হয়ে আছে ।

যখন বছর দেড় বয়স শিশুর—
 যক্ষ্মের ঘটিল বিকার ; জরাতুর
 দেহখানি শীর্ণ হয়ে আসে । দেবালয়ে
 মানিল মানৎ মাতা, পদামৃত লয়ে
 করাইল পান, হরিসঙ্কীৰ্ত্তন গানে
 কাঁপিল প্রাঙ্গণ । ব্যাধি শাস্তি নাহি মানে ।
 কাঁদিয়া শুধাল নারী—ব্রাহ্মণ ঠাকুর,
 এত চুঃখে তবু পাপ নাহি হল দূর ?
 দিনরাত্রি দেবতার মেনেছি দোহাই,
 দিয়েছি এত যে পূজা তবু রক্ষা নাই ?
 তবু কি নেবেন তাঁরা আমার বাছারে ?
 এত ক্ষুধা দেবতার ? এত ভারে ভারে
 নৈবেদ্য দিলাম খেতে বেচিয়া গহনা,
 সর্ব্বস্ব খাওয়ানু তবু ক্ষুধা মিটিল না ?
 ব্রাহ্মণ কহিল—“বাছা এযে ঘোর কলি !
 অনেক করেছ বটে তবু এও বলি
 আজকাল তেমন কি ভক্তি আছে কারো,
 সত্যযুগে যা পারিত তা কি আজ পারো ?

দানবীর কর্ণ কাছে ধর্ম্য যবে এসে
 পুত্রেরে চাহিল খেতে ব্রাহ্মণের বেশে
 নিজহস্তে সন্তানে কাটিল । তখনি সে
 শিশুরে ফিরিয়া পেল চক্ষের নিমেষে ।
 শিবি রাজা শ্বেনরূপী ইন্দ্রের মুখেতে
 আপন বৃকের মাংস কাটি দিল খেতে—
 পাইল অক্ষয় দেহ ! নিষ্ঠা এরে বলে ।
 তেমন কি একালেতে আছে ভূমণ্ডলে ?
 মনে আছে ছেলেবেলা গল্প শুনিয়াছি
 মার কাছে--তাঁদের গ্রামের কাছাকাছি
 ছিল এক বন্ধা নারী,—না পাইয়া পথ
 প্রথম গর্ভের ছেলে করিল মানত
 মা গঙ্গার কাছে ; শেষে পুত্রজন্মপরে
 অভাগী বিধবা হল ; গেল সে সাগরে,
 কহিল সে নিষ্ঠাভরে মা গঙ্গারে ডেকে—
 মা, তোমারি কোলে আমি দিলাম ছেলেকে—
 এ মোর প্রথম পুত্র, শেষ পুত্র এই,
 এ জন্মের তরে আর পুত্রআশা নেই ।
 যেমনি জলেতে ফেলা, মাতা ভাগীরথী
 মকরবাহিনী রূপে হয়ে মূর্ত্তিমতী
 শিশুলয়ে আপনার পদ্মকরতলে
 মার কোলে সমর্পিল ! নিষ্ঠা এরে বলে।”
 মল্লিকা ফিরিয়া এলো নতশির করে—
 আপনারে ধিকারিল,—এতদিন ধরে

বৃথা ব্রত করিলাম, বৃথা দেবার্চনা,—
নিষ্ঠাহীনা পাপিষ্ঠারে ফল মিলিল না ।

ঘরে ফিরে এসে দেখে শিশু অচেতন
জরাবেশে । অঙ্গ যেন অগ্নির মতন ;
ঔষধ গিলাতে যায় যত বারবার
পড়ে যায়—কণ্ঠ দিয়া নামিল না আর ।
দস্তে দস্তে গেল আঁটি । বৈজ্ঞ শির নাড়ি
ধীরে ধীরে চলি গেল রোগী-গৃহ ছাড়ি ।
সন্ধ্যার আধারে শূন্য বিধবার ঘরে
একটি মলিন দীপ শয়নশিয়রে,
একা শোকাতুরা নারী । শিশু একবার
জ্যোতিহীন আঁখি মেলি যেন চারিধার
খুঁজিল কাহারে । নারী কাঁদিল কাতর—
ও নাগিক ওরে সোনা, এই যে মা তোর,
এই যে মায়ের কোল, ভয় কিরে বাপ !—
বক্ষে তারে চাপি ধরি তার জ্বর-তাপ
চাহিল কাড়িয়া নিতে অঙ্গে আপনার
প্রাণপণে । সহসা বাতাসে গৃহদ্বার
খুলে গেল ; ক্ষীণ দীপ নিবিল তখন,—
সহসা বাহির হতে কল কলধ্বনি
পশিল গৃহের মাঝে । চমকিয়া নারী
দাঁড়য়ে উঠিল বেগে শয্যা তল ছাড়ি,

কহিল, মায়ের ডাক ওই শুনা যায়—
 ও মোর ছঃখীর ধন, পেয়েছি উপায়—
 তোমার মার কোল চেয়ে স্নানীতল কোল
 আছে ওরে বাছা !—জাগিয়াছে কলরোল
 অদূরে জাহ্নবীজলে,—এসেছে জোয়ার
 পূর্ণিমায় । শিশুর তাপিত দেহভার
 বক্ষে লয়ে মাতা গেল শূণ্য ঘাটপানে ।
 কহিল, না, মার ব্যথা যদি বাজে প্রাণে
 তবে এ শিশুর তাপ দেগো মা জুড়ায়ে ।
 একমাত্র ধন মোর দিখু তোমার পায়ে
 একমনে ।—এত বলি সমর্পিল জলে
 অচেতন শিশুটির লয়ে করতলে,
 চক্ষু মুদি । বহুক্ষণ আঁখি মেলিল না ।
 ধ্যানে নিরখিল বসি, মকরবাহনা
 জ্যোতির্ময়ী মাতৃমূর্ত্তি ক্ষুদ্র শিশুটির
 কোলে করে এসেছেন, রাখি তার শিরে
 একটি পদ্মের দল ; হাসিমুখে ছেলে
 অনিন্দিত কান্তি ধরি, দেবীকোল ফেলে
 মার কোলে আসিবারে বাড়ায়েছে কর ।
 কহে দেবী—রে ছঃখিনী এই তুই ধর
 তোমার ধন তোরে দিখু ।—রোমাঞ্চিতকায়
 নয়ন মেলিয়া কহে—“কই মা !—কোথায় !”
 পরিপূর্ণ চন্দ্রালোকে বিহ্বলা রজনী ;
 গঙ্গা বহি চলি যায় করি কলধ্বনি ।

চীৎকারি উঠিল নারী—দিবিনে ফিরায়ে ?
মর্ম্মরিল বনভূমি দক্ষিণের বায়ে ।

২৪শে আশ্বিন, ১৩০৬

সামান্য ক্ষতি

(দিব্যাবদান মালা)

বহে মাঘমাসে শীতের বাতাস
স্বচ্ছসলিলা বরুণা ।
পুরী হতে দূরে গ্রামে নির্জ্জনে
শিলাময় ঘাট চম্পকবনে ;
স্নানে চলেছেন শত সখীসনে
কাশীর মহিষী করুণা ।

সে পথ সে ঘাট আজি এ প্রভাতে
জনহীন রাজশাসনে ।
নিকটে যে ক'টি আছিল কুটার
ছেড়ে গেছে লোক, তাই নদীতীর
স্তম্ভ গভীর, কেবল পাখীর
কুঞ্জ উঠিছে কাননে ।

আজি উতরোল উত্তর বায়ে
 উতলা হয়েছে তটিনী ।
 সোনার আলোক পড়িয়াছে জলে,
 পুলকে উছলি ঢেউ ছলছলে,
 লক্ষ মানিক বলকি আঁচলে
 নেচে চলে যেন নটিনী ।

কলকল্লোলে লাজ দিল আজ
 নারীকর্ণের কাকলী ।
 মৃগাল ভুজের ললিত বিলাসে
 চঞ্চলা নদী মাতে উল্লাসে,
 আলাপে প্রলাপে হাসি-উচ্ছাসে
 আকাশ উঠিল আকুলি ।

স্নান সমাপন করিয়া যখন
 কূলে উঠে নারী সকলে—
 মহিষী কহিলা উছ শীতে মরি !
 সকল শরীর উঠিছে শিহরি !
 জ্বলেদে আগুন ওলো সহচরী,
 শীত নিবারিব অনলে ।

সখীগণ সবে কুড়াইতে কুটা
 চলিল কুসুম কাননে ।

কৌতুকরসে পাগল পরাণী
 শাখা ধরি সবে করে টানাটানি ;—
 সহসা সবারে ডাক দিয়া রাণী
 কহে সহস্র আননে ;—

ওলো তোরা আয় ! ওই দেখা যায়
 কুটীর কাহার অদূরে !
 ওই ঘরে তোরা লাগাবি অনল,
 তপ্ত করিব কর পদতল ।
 এত বলি রাণী রঙ্গে বিভল
 হাসিয়া উঠিল মধুরে ।

কহিল মালতী সক্রম অতি
 একি পরিহাস রাণী মা !
 আগুন জ্বালায়ে কেন দিবে নাশি ?
 এ কুটীর কোন্ সাধু সত্বাসী
 কোন্ দীনজন কোন্ পরবাসী
 বাঁধিয়াছে নাহি জানি মা !

রাণী কহে রোষে—দূর করি দাও
 এই দীনদয়াময়ীরে !—
 অতি হৃদ্যাম কৌতুকরত
 যৌবনমদে নিষ্ঠুর যত
 যুবতীরা মিলি পাগলের মত
 আগুন লাগাল কুটীরে ।

ঘন ঘোর ধুম ঘুরিয়া ঘুরিয়া
 ফুলিয়া ফুলিয়া উড়িল ।
 দেখিতে দেখিতে সে ধুম বিদারি
 ঝলকে ঝলকে উল্লা উগারি
 শত শত লোল জিহ্বা প্রসারি
 বহি আকাশ জুড়িল ।

পাতাল ফুঁড়িয়া উঠিল যেন রে
 জ্বালাময়ী যত নাগিনী ।
 ফণা নাচাইয়া অম্বরপানে
 মতিয়া উঠিল গর্জনগানে,
 প্রলয়মত্ত রমণীর কানে
 বাজিল দীপক রাগিনী ।

প্রভাত পাখীর আনন্দগান
 ভয়ের বিলাপে টুটিল ;—
 দলে দলে কাক করে কোলাহল,
 উত্তর বায়ু হইল প্রবল,—
 কুটীর হইতে কুটীরে অনল
 উড়িয়া উড়িয়া ছুটিল ।

ছোট গ্রামখানি লেহিয়া লইল
 প্রলয়-লোলুপ রসনা ।

জনহীন পথে মাঘের প্রভাতে
 প্রমোদক্লান্ত শত সখী সাথে
 ফিরে গেল রাণী কুবলয় হাতে
 দীপ্ত অরুণ-বসনা ।

তখন সভায় বিচার আসনে
 বসিয়া ছিলেন ভূপতি ।
 গৃহহীন প্রজা দলে দলে আসে,
 দ্বিধাকল্পিত গদগদ ভাষে
 নিবেদিল দুখ সঙ্কোচে ত্রাসে
 চরণে করিয়া বিনতি ।

সভাসন ছাড়ি উঠি গেল রাজা
 রক্তিমমুখ সরমে ।
 অকালে পশিলা রাণীর আংগার,—
 কহিলা মহিষি, একি ব্যবহার ?
 গৃহ জ্বালাইলে অভাগা প্রজার
 বল কোন্ রাজধরমে ?

রুবিয়া কহিলা রাজার মহিলা
 “গৃহ কহ তারে কি বোধে ?
 গেছে গুটীকত জীর্ণ কুটীর
 কতটুকু ক্ষতি হয়েছে প্রাণীর ?

কত ধন যায় রাজমহিষীর
এক প্রহরের প্রমোদে।”

কহিলেন রাজা উত্তরোষ
রুধিয়া দীপ্ত হৃদয়ে,—
যতদিন তুমি আছ রাজরাণী
দীনের কুটীরে দীনের কি হানি
বুঝিতে নারিবে জানি তাহা জানি—
বুঝাব তোমারে নিদয়ে !

রাজার আদেশে কিঙ্করী আসি
ভূষণ ফেলিল খুলিয়া ।
অরুণ বরণ অম্বরখানি
নির্ম্মম করে খুলে দিল টানি,
ভিখারী নারীর চীরবাস আনি
দিল রাণীদেহে তুলিয়া ।

পথে লয়ে তারে কহিলেন রাজা
“মাগিবে ছয়্যারে ছয়্যারে ;
এক প্রহরের লীলায় তোমার
যে ক’টি কুটীর হল ছারখার
যতদিনে পার সে ক’টি আবার
গড়ি দিতে হবে তোমারে ।

বৎসর কাল দিলেন সময়
 তার পরে ফিরে আসিয়া
 সভায় দাঁড়ায়ে করিয়া প্রণতি
 সবার সমুখে জানাবে যুবতী
 হয়েছে জগতে কতটুকু ক্ষতি
 জীর্ণ কুটীর নাশিয়া ।

২৫শে আশ্বিন, ১৩০৬

মূল্য প্রাপ্তি

(অবদাতশতক)

অত্ৰাণে শীতের রাতে নিষ্ঠুর শিশিরঘাতে
 পদগুণ্ডলি গিয়াছে মরিয়া ।
 সুদাস মালীর ঘরে কাননের সরোবরে
 একটি ফুটেছে কি করিয়া ।
 তুলি লয়ে, বেচিবারে গেল সে প্রানাদদ্বারে,
 মাগিল রাজার দরশন,—
 হেনকালে হেরি ফুল আনন্দে পুলকাকুল
 পথিক কহিল একজন :—
 অকালের পদ তব আমি এটি কিনি লব
 কত মূল্য লইবে ইহার ?
 বুদ্ধ ভগবান আজ এসেছেন পুরমাক
 তাঁর পায়ে দিব উপহার ।

মালী কহে এক মাষা স্বর্ণ পাব মনে আশা—

পথিক চাহিল তাহা দিতে,—

হেনকালে সমারোহে বহু পূজা অর্ঘ্য বহে

নৃপতি বাহিরে আচম্বিতে ।

রাজেন্দ্র প্রসেনজিত উচ্চারি মঙ্গলগীত

চলেছেন বুদ্ধ দরশনে—

হেরি অকালের ফুল— শুধালেন, কত মূল ?

কিনি দিব প্রভুর চরণে ।

মালি কহে হে রাজন্ স্বর্ণ মাষা দিয়ে পণ

কিনিছেন এই মহাশয় ।

দশ মাষা দিব আমি— কহিলা ধরণীস্বামী,

বিশ মাষা দিব পাত্ কয় ।

দৌহে কহে দেহ দেহ, হার নাহি মানে কেহ,

মূল্য বেড়ে ওঠে ক্রমাগত ।

মালী ভাবে যাঁর তরে এ দৌহে বিবাদ করে

তঁারে দিলে আরো পাব কত ?

কহিল সে কর যোড়ে দয়া করে ক্ষম মোরে—

এ ফুল বেচিতে নাহি মন ।

এত বলি ছুটিল সে যেথা রয়েছেন ব'সে

বুদ্ধদেব উজলি কানন ।

বসেছেন পদ্মাসনে প্রসন্ন প্রশান্তমনে,

নিরঞ্জন আনন্দ মূর্তি ।

দৃষ্টি হতে শাস্তি ঝরে স্ফুরিছে অধরপরে

করুণার সুধাহাস্তজ্যোতি ।

সুদাস রহিল চাহি,— নয়নে নিমেষ নাহি,
 মুখে তার বাক্য নাহি সরে ।
 সহসা ভূতলে পড়ি পদ্যটি রাখিল ধরি
 প্রভুর চরণপদ্মপরে ।
 বরষি অমৃতরাশি বুদ্ধ শুধালেন হাসি
 কহ বৎস কি তব প্রার্থনা !
 বাকুল সুদাস কহে— প্রভু আর কিছু নহে,
 চরণের ধূলি এককণা ।

২৬শ আশ্বিন, ১৩০৬

নগর লক্ষ্মী

(কল্পদ্রুমাবদান্)

হৃর্ভিক্ষ শ্রাবস্তিপুরে যবে
 জাগিয়া উঠিল হাহারবে,—
 বুদ্ধ নিজ ভক্তগণে শুধালেন জনে জনে
 ক্ষুধিতেরে অন্নদানসেবা
 তোমরা লইবে বল কেবা !
 শুনি তাহা রত্নাকর শেঠ
 করিয়া রহিল মাথা হেঁট ।
 কহিল সে কর যুড়ি— ক্ষুধার্ত্ত বিশালপুরী,
 এর ক্ষুধা মিটাইব আমি
 এমন ক্ষমতা নাই স্বামী !

কহিল সামন্ত জয়সেন —
 যে আদেশ প্রভু করিছেন
 তাহা লইতাম শিরে যদি মোর বুক চিরে
 রক্ত দিলে হত কোন কাজ,
 মোর ঘরে অন্ন কোথা আজ ?

নিশ্বাসিয়া কহে ধর্মপাল
 কি কব, এমন দগ্ধ ভাল,—
 আমার সোনার ক্ষেত শুষিছে অজন্মা প্রেত,
 রাজকর যোগান কঠিন,
 হয়েছি অক্ষম দীনহীন ।

রহে সবে মুখে মুখে চাহি,
 কাহারো উত্তর কিছু নাহি ।
 নির্ঝাক্‌ সে সভাঘরে, ব্যথিত নগরীপরে
 বুদ্ধের করুণ আঁধি ছুটি
 সন্ধ্যাতারাসম রহে ফুটি ।

তখন উঠিল ধীরে ধীরে
 রক্ত ভাল লাজনত্রিশিরে
 অনাথ-পিণ্ডদ-স্নাতা বেদনায় অশ্রুপ্লুতা
 বুদ্ধের চরণরেণু লয়ে
 মধুকণ্ঠে কহিল বিনয়ে :—

ভিক্ষুণীর অধম সুপ্রিয়া

তব আজ্ঞা লইল বহিয়া ।

কাঁদে যারা খাণ্ডহারা আমার সম্মান তারা ;

নগরীতে অন্ত বিলাবার

আমি আজি লইলাম ভার ।

বিস্ময় মানিল সবে শুনি :—

ভিক্ষুকতা তুমি যে ভিক্ষুণী—

কোন্ অহঙ্কারে মাতি লইলে মস্তক পাতি

এ হেন কঠিন গুরু কাজ !

কি আছে তোমার, কহ আজ !

কহিল সে নমি সবা কাছে—

শুধু এই ভিক্ষাপাত্র আছে ।

আমি দীনহীন মেয়ে অক্ষম সবার চেয়ে,

তাই তোমাদের পাব দয়া

প্রভু আজ্ঞা হইবে বিজয়া ।

আমার ভাণ্ডার আছে ভরে

তোমা সবা কার ঘরে ঘরে ।

তোমরা চাহিলে সবে এ পাত্র অক্ষয় হবে,

ভিক্ষা-অন্নে বাঁচাব বসুধা—

মিটাইব দুর্ভিক্ষের ক্ষুধা ।

অপমান-বর

(ভক্তমাল)

ভক্ত কবীর সিদ্ধপুরুষ খ্যাতি রটিয়াছে দেশে,
কুটীর তাহার ঘিরিয়া দাঁড়াল লাখে নরনারী এসে ।
কেহ কহে মোর রোগ দূর করি মন্ত্র পড়িয়া দেহ,
সন্তান লাগি করে কাঁদাকাটি বক্ষ্যা রমণী কেহ ।
কেহ বলে তব দৈবক্ষমতা চক্ষে দেখাও মোরে,
কেহ কয় ভবে আছেন বিধাতা বুঝাও প্রমাণ করে ।

কাঁদিয়া ঠাকুরে কাতর কবীর কহে ছুই যোড়করে—
দয়া করে হরি জন্ম দিয়েছ নীচ যবনের ঘরে,—
ভেবেছিহু কেহ আসিবে না কাছে অপার কৃপায় তব,
সবার চোখের আড়ালে কেবল তোমায় আমায় রব ।
একি কৌশল খেলেছ মায়াবী, বুঝি দিলে মোরে ফাঁকি !
বিশ্বের লোক ঘরে ডেকে এনে তুমি পালাইবে না কি ?

ব্রাহ্মণ যত নগরে আছিল উঠিল বিষম রাগি’
লোক নাহি ধরে যবন জ্বোলার চরণধূলার লাগি ।
চারিপোওয়া কলি পুরিয়া আসিল পাপের বোঝায় ভরা,
এর প্রতিকার না করিলে আর রক্ষা না পায় ধরা ।
ব্রাহ্মণদল যুক্তি করিল নষ্ট নারীর সাথে,
গোপনে তাহারে মন্ত্রণা দিল, টাকা দিল তার হাতে ।

বসন বেচিতে এসেছে কবীর একদা হাটের বাসে,
 সহসা কামিনী সবার সামনে কাঁদিয়া ধরিল তারে ।
 কহিল, রে শঠ নিষ্ঠুর কপট, কহিনে কাহারো কাছে
 এমনি করে কি সরলা নারীকে ছলনা করিতে আছে ?
 বিনা অপরাধে আমারে ত্যজিয়া সাধু সাজিয়াছ ভালো,
 অন্নবসনবিহনে আমার বরণ হয়েছে কালো ।

কাছে ছিল যত ব্রাহ্মণদল করিল কপট কোপ—
 ভণ্ড তাপস, ধর্মের নামে করিছ ধর্মলোপ !
 তুমি সুখে বসে ধূলা ছড়াইছ সরল লোকের চোখে,
 অবলা অখলা পথে পথে আহা ফিরিছে অন্নশোকে ।
 কহিল কবীর—অপরাধী আমি, ঘরে এস, নারী, তবে,
 আমার অন্ন রহিতে কেন বা তুমি উপবাসী রবে ?

দুষ্টা নারীকে আনি গৃহমাঝে বিনয়ে আদর করি
 কবীর কহিল—দৌনের ভবনে তোমারে পাঠাল হরি ।
 কাঁদিয়া তখন কহিল রমণী লাজে ভয়ে পরিতাপে
 লোভে পড়ে আমি করিয়াছি পাপ, মরিব সাধুর শাপে ।
 কহিলা কবীর, ভয় নাই মাতঃ, লইব না অপরাধ ;—
 এনেছ আমার মাথার ভূষণ অপমান অপবাদ ।

যুচাইল তার মনের বিকার, করিল চেতনা দান,
 সাঁপি দিল তার মধুর কণ্ঠে হরিনামগুণগান ।

রটি গেল দেশে কপট কবীর, সাধুতা তাহার মিছে ।
 শুনিয়া কবীর কহে নতশির আমি সকলের নীচে ।
 যদি কুল পাই, তরণী-গরব রাখিতে না চাহি কিছু,
 তুমি যদি থাক আমার উপরে, আমি রব সব-নীচু ।

রাজার চিত্তে কৌতুক হল শুনিতে সাধুর গাথা,
 দূত আসি তাঁরে ডাকিল যখন, সাধু নাড়িলেন মাথা ।
 কহিলেন, থাকি সবা হতে দূরে, আপন হীনতা মাঝে ;
 আমার মতন অভাজনজন রাজার সভায় সাজে ?
 দূত কহে, তুমি না গেলে ঘটবে আমাদের পরমাদ,—
 যশ শুনে তব হয়েছে রাজার সাধু দেখিবার সাধ ।

রাজা বসে ছিল সভার মাঝারে, পারিষদ সারি সারি,
 কবীর আসিয়া পশিল সেথায় পশ্চাতে লয়ে নারী ।
 কেহ হাসে কেহ করে ভুরুকুটী, কেহ রহে নতশিরে,
 রাজা ভাবে এটা কেমন নিলাজ, রমণী লইয়া ফিরে !
 ইঙ্গিতে তাঁর, সাধুরে, সভার বাহির করিল দ্বারী,
 বিনয়ে কবীর চলিল কুটিরে সঙ্গে লইয়া নারী ।

পথমাঝে ছিল ব্রাহ্মণদল, কৌতুকভরে হাসে ;
 শুনায়ে শুনায়ে বিদ্রূপবাণী কহিল কঠিন ভাষে ।
 তখন রমণী কাঁদিয়া পড়িল সাধুর চরণমূলে—
 কহিল, পাপের পঙ্ক হইতে কেন নিলে মোরে তুলে ?

কেন অধমারে রাখিয়া ছুয়ারে সহিতেছ অপমান ?
কহিল কবীর, জননী তুমি যে, আমার প্রভুর দান ।

২৮শে আশ্বিন, ১৩০৬

স্বামীলাভ

(ভক্তমাল)

একদা তুলসীদাস জাহ্নবীর তীরে
নির্জ্জন শ্মশানে
সন্ধ্যায় আপন মনে একা একা ফিরে
মাতি নিজ গানে ।
হেরিলেন মৃত পতি-চরণের তলে
বসিয়াছে সতী ;
তারি সনে এক সাথে এক চিতানলে
মরিবারে মতি ।
সঙ্গীগণ মাঝে মাঝে আনন্দ চীৎকারে
করে জয়নাদ,
পুরোহিত ব্রাহ্মণেরা ঘেরি চারিধারে
গাহে সাধুবাদ ।

সহসা সাধুরে নারী হেরিয়া সম্মুখে
করিয়া প্রগতি

কহিল বিনয়ে—প্রভো আপন শ্রীমুখে
দেহ অনুমতি ।

তুলসী কহিল, মাতঃ যাবে কোন্‌খানে,
এত আয়োজন ।

সতী কহে—পতিসহ যাব স্বর্গপানে
করিয়াছি মন ।

“ধরা ছাড়ি কেন নারী স্বর্গ চাহ তুমি”
সাধু হাসি কহে—

“হে জননী, স্বর্গ য়ার, এ ধরণীভূমি
ঠাহারি কি নহে ?”

বুঝিতে না পারি কথা নারী রহে চাহি
বিস্ময়ে অবাক্—

কহে কর ষোড় করি—স্বামী যদি পাই
স্বর্গ দূরে থাক্ ।

তুলসী কহিল হাসি—ফিরে চল ঘরে
কহিতেছি আমি

ফিরে পাবে আজ হতে মাসেকের পরে
আপনার স্বামী ।

রমণী আশার বশে গৃহে ফিরে যায়
শ্মশান তেয়াগি’ ;

তুলসী জাহ্নবীতীরে নিস্তরক নিশায়
রহিলেন জাগি ।

নারী রহে শুদ্ধচিত্তে নিৰ্জ্জন ভবনে,

তুলসী প্রত্যহ

কি তাহারে মন্ত্র দেয়, নারী একমনে

ধ্যায় অহরহ ।

এক মাস পূর্ণ হতে প্রতিবেশীদলে

আসি তার দ্বারে

শুধাইল, পেলে স্বামী ?—নারী হাসি বলে

পেয়েছি তাঁহারে ।

শুনি ব্যগ্র কহে তারা—কহ তবে কহ

আছে কোন্ ঘরে ?

নারী কহে রয়েছেন প্রভু অহরহ

আমারি অন্তরে ।

২৯শে আশ্বিন, ১৩০৬

স্মার্মণি

(ভক্তমাল)

নদীতীরে বৃন্দাবনে সনাতন একমনে

জপিছেন নাম ।

হেনকালে দীনবেশে ব্রাহ্মণ চরণে এসে

করিল প্রণাম ।

শুধালেন সনাতন, কোথা হতে আগমন,
কি নাম ঠাকুর ?

বিপ্র কহে, কিবা কব পেয়েছি দর্শন তব
ভ্রমি' বহুদূর ।

জীবন আমার নাম মানকরে মোর ধাম,
জিলা বর্দ্ধমানে,

এত বড় ভাগ্যহত দীনহীন মোর মত
নাই কোনখানে ।

জমিজমা আছে কিছু, করে আছি মাথা নীচু,
অল্প স্বল্প পাই ।

ক্রিয়াকর্ম যজ্ঞ যাগে বহু খ্যাতি ছিল আগে
আজ কিছু নাই ।

আপন-উন্নতি লাগি শিব কাছে বর মাগি
করি আরাধনা ।—

এক দিন নিশিভোরে স্বপ্নে দেব কহে মোরে—
পূরিবে প্রার্থনা ।

যাও যমুনার তীর, সনাতন গোস্বামীর
ধর ছুটি পায়,

তঁারে পিতা বলি মেনো, তঁারি হাতে আছে জেনো
ধনের উপায় ।

শুনি কথা সনাতন ভাবিয়া আকুল হন্
কি আছে আমার ।

যাহা ছিল সে সকলি ফেলিয়া এসেছি চলি
ভিক্ষামাত্র সার ।

সহসা বিস্মৃতি ছুটে,— সাধু ফুকারিয়া উঠে—
ঠিক বটে ঠিক !

একদিন নদীতটে কুড়ায়ে পেয়েছি বটে
পরশ মাণিক ।

যদি কভু লাগে দানে সেই ভেবে ওইখানে
পুঁতেছি বালুতে ;

নিয়ে যাও হে ঠাকুর ছুঁথ তব হোক দূর
ছুঁতে নাহি ছুঁতে ।

বিপ্র তাড়াতাড়ি আসি খুঁড়িয়া বালুকারাশি
পাইল সে মণি,

লোহার মাহুলি ছুটি সোনা হয়ে উঠে কুটি
ছুঁইল যেমনি ।

ব্রাহ্মণ বালুর পরে বিস্ময়ে বদিয়া পড়ে—
ভাবে নিজে নিজে ।

যমুনা কল্লোল গানে চিস্তিতের কানে কানে
কহে কত কি যে ।

নদীপারে রক্তচ্ছবি দিনাস্তুর ক্লাস্ত রবি
গেল অস্তাচলে,—

তখন ব্রাহ্মণ উঠে সাধুর চরণে লুটে
কহে অশ্রু জলে,—

যে ধনে হইয়া ধনী মণিরে মান না মণি
তাহারি খানিক

মাগি আমি নতশিরে ! এত বলি নদীনীরে
ফেলিল মাণিক ।—

বন্দীবীর

পঞ্চ নদীর তীরে
 বেণী পাকাইয়া শিরে
 দেখিতে দেখিতে গুরুর মস্তে
 জাগিয়া উঠেছে শিখ্—
 নিশ্চয়ম নিভীক্ ।
 হাজার কণ্ঠে গুরুজীর জয়
 ধ্বনিয়া তুলেছে দিক্ ।
 নূতন জাগিয়া শিখ্
 নূতন উবার সূর্যোর পানে
 চাহিল নির্গিমিখ্ ।

“অলখ নিরঞ্জন—”
 মহারব উঠে বন্ধন টুটে
 করে ভয়-ভঞ্জন ।
 বন্ধের পাশে ঘন উল্লাসে
 অসি বাজে ঝঞ্জন ।
 পাজাব আজি গরজি উঠিল
 “অলখ নিরঞ্জন ।”

এসেছে সে এক দিন
 লক্ষ পরাণে শঙ্কা না জানে
 না রাখে কাহারো ঋণ ।

জীবন মৃত্যু পায়ের ভৃত্য,
 চিন্তা ভাবনা হীন ।
 পঞ্চ নদীর ঘিরি দশতীর
 এসেছে সে এক দিন ।

দিল্লী-প্রাসাদ-কূটে
 হোথা বারবার বাদশাজাদার
 তন্দ্রা যেতেছে ছুটে ।
 কাদের কণ্ঠে গগন মস্থে,
 নিবিড় নিশীথ টুটে,
 কাদের মশালে আকাশের ভালে
 আগুন উঠেছে ফুটে ।

পঞ্চ নদীর তীরে
 ভক্ত দেহের রক্তলহরী
 মুক্ত হইল কিরে !
 লক্ষ বক্ষ চিরে
 ঝাঁকে ঝাঁকে প্রাণ পক্ষীসমান
 ছুটে যেন নিজ নীড়ে ।
 বীরগণ জননীরে
 রক্ত তিলক ললাটে পরাল
 পঞ্চ নদীর তীরে ।

মোগল শিখের রণে
 মরণ-আলিঙ্গনে
 কণ্ঠ পাকড়ি ধরিল আঁকড়ি
 দুই জনা দুই জনে ।
 দংশন-ক্ষত শ্রেণ বিহঙ্গ
 যুঝে ভুজঙ্গ সনে ।
 সেদিন কঠিন রণে
 “জয় গুরুজীর” হাঁকে শিখবীর
 স্তম্ভীর নিঃশ্বনে ।
 মত্ত মোগল রক্তপাগল
 “দীন্ দীন্” গরজনে ।

গুরুদাসপুর গড়ে
 বন্দা যখন বন্দী হইল
 তুরাগী সেনার করে
 সিংহের মত শৃঙ্খলগত
 বাঁধি লয়ে গেল ধরে
 দিল্লী নগর পরে ।
 বন্দা সমরে বন্দী হইল
 গুরুদাসপুর গড়ে ।

সম্মুখে চলে মোগল মৈত্র
 উড়ায়ে পথের ধূলি,

ছিন্ন শিখের মুণ্ড লইয়া

বর্ষাফলকে তুলি ।

শিখ সাত শত চলে পশ্চাতে

বাজে শৃঙ্খলগুলি ।

রাজপথ পরে লোক নাহি ধরে

বাতায়ন যায় খুলি ।

শিখ গরজয় গুরুজীর জয়

পরানের ভয় ভুলি ।

মোগলে ও শিখে উড়াল আজিকে

দিল্লী-পথের ধূলি ।

পাড়ি গেল ঝাড়াঝাড়ি,

আগে কেবা প্রাণ করিবেক দান

তারি লাগি তাড়াতাড়ি ।

দিন গেলে প্রাতে ঘাতকের হাতে

বন্দীরা সারি সারি

“জয় গুরুজীর” কহি শত বীর

শত শির দেয় ডারি ।

সপ্তাহকালে সাত শত প্রাণ

নিঃশেষ হয়ে গেলে

বন্দার কোলে কাজি দিল তুলি

বন্দার এক ছেলে ;

কহিল, ইহায়ে বধিতে হইবে
 নিজ হাতে অবহেলে ।
 দিল তার কোলে ফেলে—
 কিশোর কুমার বাঁধা বাহু তার
 বন্দার এক ছেলে ।

কিছু না কহিল বাণী,
 বন্দা সুধীরে ছোট ছেলেটির
 লইল বক্ষে টানি ।
 ক্ষণকালতরে মাথার উপরে
 রাখে দক্ষিণপাণি,
 শুধু একবার চুম্বিল তার
 রাঙা উষ্ণীষখানি ।
 তার পরে ধারে কটিবাস হতে
 ছুরিকা খসায় আনি—
 বালকের মুখ চাহি
 “গুরুজীর জয়” কানে কানে কয়—
 “রে পুত্র, ভয় নাহি !”

নবীন বদনে অভয় কিরণ
 জ্বলি উঠে উৎসাহ—
 কিশোরকণ্ঠে কাঁপে সভাতল
 বালক উঠিল গাহি—

“গুরুজীর জয়, কিছু নাহি ভয়”
বন্দার মুখ চাহি ।

বন্দা তখন বামবাহুপাশ
জড়াইল তার গলে,—
দক্ষিণ করে ছেলের বক্ষে
ছুরি বসাইল বলে—
গুরুজীর জয় কহিয়া বালক
লুটাল ধরণীতলে ।

সভা হল নিস্তন্ধ ।
বন্দার দেহ ছিঁড়িল ঘাতক
সাঁড়াশি করিয়া দগ্ধ ।
স্থির হয়ে বীর মরিল, না করি
একটি কাতর শব্দ ।
দর্শকজন মুদিল নয়ন,
সভা হল নিস্তন্ধ ।

৩০শে আশ্বিন, ১৩০৬

মানী

আরওজেব ভারত যবে
 করিতেছিল থান্-থান্—
 মারব পতি কহিলা আসি
 করহ প্রভু অবধান—
 গোপনরাতে অচলগড়ে
 নহর্ যাঁরে এনেছে ধরে'
 বন্দী তিনি আমার ঘরে
 সিরোহিপতি সুরতান,
 কি অভিলাষ তাঁহার পরে
 আদেশ নোবে কর দান ।

শুনিয়া কহে আরওজেব
 কি কথা শুনি অদ্ভূত ।
 এতদিনে কি পড়িল ধরা
 অশনিভরা বিদ্যাৎ ?
 পাহাড়ী লয়ে কয়েক শত
 পাহাড়ে বনে ফিরিতে রত,
 মরুভূমির মরীচিমত
 স্বাধীন ছিল রাজপুত ।
 দেখিতে চাহি,—আনিতে তাৰে
 পাঠাও কোন রাজদূত ।

মাড়োয়া-রাজ যশোবন্ত

কহিলা তবে যোড়কর,—

ক্ষত্রকুল-সিংহশিশু

লয়েছে আজি মোর ঘর,—

বাদশা তাঁরে দেখিতে চান্

বচন আগে করুন্ দান

কিছুতে কোন অসম্মান

হবে না কভু তাঁর পর,—

সভায় তবে আপনি তাঁয়ে

আনিব করি সমাদর ।

আরওজেব কহিলা হাসি

কেমন কথা কহ আজ ।

প্রবীন তুমি প্রবল বীর

মাড়োয়াপতি মহারাজ ।

তোমার মুখে এমন বাণী

শুনিয়া মনে সরম মানি,

মানীর মান করিব হানি

মানীরে শোভে হেন কাজ ?

কহিহু আমি, চিন্তা নাহি,

আনহ তাঁরে সভামাঝ ।

সিরোহিপতি সভায় আসে

মাড়োয়ারাজে লয়ে সাথ ;

উচ্চশির উচ্ছে রাখি
 সম্মুখে কবে আঁখিপাত ।
 কহিল সবে বজ্রনাদে
 “সেলাম কর বাদশাজাদে,—
 হেলিয়া যশোবস্ত-কাঁধে
 কহিলা ধীরে নরনাথ,—
 গুরুজনের চরণ ছাড়া
 করিনে কারে প্রণিপাত ।

কহিলা রোষে রক্ত আঁখ
 বাদসাহের অনুচর—
 “শিখাতে পারি কেমনে মাথা
 লুটিয়া পড়ে ভূমিপর ।”
 হাসিয়া কহে সিরোহিপতি
 “এমন যেন না হয় মতি
 ভয়েতে কারে করিব নতি,
 জানিনে কভু ভয় ডর ।”
 এতেক বালি দাঁড়াল রাজা
 ক্রুপাণ পরে করি ভর ।

বাদশা ধরি সুরতানেরে
 বসায়ে নিল নিজপাশ ।
 কহিলা, বীর, ভারত মাঝে
 কি দেশ পরে তব আশ ?

কহিলা রাজা “অচলগড়
 দেশের সেরা জগত-পর,”
 সভার মাঝে পরস্পার
 নীরবে উঠে পরিহাস।
 বাদশা কহে “অচল হয়ে
 অচলগড়ে কর বাস।”

১লা কার্তিক, ১৩০৬

প্রার্থনাতীত দান *

পাঠানেরা যবে বাঁধিয়া আনিল
 বন্দী শিখের দল—
 স্নহিদ্গঞ্জে রক্ত-বরণ
 হইল ধরণী তল।
 নবাব কহিল—শুন তরুসিং
 তোমাতে ক্ষমিতে চাই।
 তরুসিং কহে মোরে কেন তব
 এত অবহেলা ভাই ?
 নবাব কহিল, মহাবীর তুমি
 তোমাতে না করি ক্রোধ,
 বেণীটি কাটিয়া দিয়ে যাও মোরে
 এই শুধু অনুরোধ।

* শিখের পক্ষে বেণীচ্ছেদন ধর্ম্ম পরিত্যাগের স্থায় দৃশ্যনীয়।

তরুসিং কহে করুণা তোমার

হৃদয়ে রহিল গাঁথা—

যা চেয়েছ তার কিছু বেশি দিব

বেণীর সঙ্গে মাথা।

২রা কার্তিক, ১৩০৬

রাজ-বিচার

(রাজস্থান)

বিপ্র কহে—“রমণী মোর

আছিল যেই ঘরে

নিশীথে সেথা পশিল চোর

ধর্ম্মনাশ তরে।

বৈধেছি তারে, এখন কহ

চোরে কি দিব সাজা ?”

“মৃত্যু” শুধু কহিলা তারে

রতনরাও রাজ।

ছুটিয়া আসি কহিল দূত—

“চোর সে যুবরাজ।

বিপ্র তাঁরে ধরেছে রাতে,

কাটিল প্রাতে আজ।

ব্রাহ্মণেরে এনেছি ধরে
 কি তারে দিবে সাজা ?”
 “মুক্তি দাও” কহিলা শুধু
 রতনরাও রাজা ।

৪ঠা কার্তিক, ১৩০৬

শেষ শিক্ষা

একদিন শিখগুরু গোবিন্দ নির্জনে
 একাকী ভাবিতেছিল আপনার মনে
 শ্রাস্ত দেহে সন্ধ্যাবেলা—হেনকালে এসে
 পাঠান কহিল তাঁরে, যাব চলি দেশে,
 বোড়া যে কিনেছ তুমি দেহ তার দাম ।
 কহিল গোবিন্দ গুরু—শেখরি সেলাম,
 মূল্য কালি পাবে আজি ফিরে যাও ভাই।—
 পাঠান কহিল রোষে, মূল্য আজই চাই ।
 এত বলি জোর করি ধরি তাঁর হাত—
 চোর বলি দিল গালি । শুনি অকস্মাৎ
 গোবিন্দ বিজুলি-বেগে খুলি নিল অসি,
 পলকে সে পাঠানের মুণ্ড গেল খসি,
 রক্তে ভেসে গেল ভূমি । হেরি নিজ কাজ
 মাথা নাড়ি কহে গুরু, বুঝিলাম আজ

আমার সময় গেছে। পাপ তরবার
 লজ্বন করিল আজি লক্ষ্য আপনার
 নিরর্থক রক্তপাতে। এ বাহুর পরে
 বিশ্বাস ঘুচিয়া গেল চিরকাল তরে।
 ধুয়ে মুছে যেতে হবে এ পাপ এ লাজ
 আজ হতে জীবনের এই শেষ কাজ।

পুত্র ছিল পাঠানের বয়স নবীন
 গোবিন্দ লইল তারে ডাকি। রাত্রি দিন
 পালিতে লাগিল তারে সন্তানের মত
 চোখে চোখে। শাস্ত্র আর শস্ত্রবিজ্ঞা যত
 আপনি শিখাল তারে। ছেলেটির সাথে
 বৃদ্ধ সেই বীরগুরু সন্ধ্যায় প্রভাতে
 খেলিত ছেলের মত। ভক্তগণ দেখি
 গুরুরে কহিল আসি—এ কি প্রভু এ কি ?
 আমাদের শঙ্কা লাগে। ব্যাত্র শাবকেরে
 যত যত্ন কর তার স্বভাব কি ফেরে ?
 যখন সে বড় হবে তখন নখর
 গুরুদেব, মনে রেখো, হবে যে প্রথর।
 গুরু কহে, তাই চাই, বাঘের বাচ্ছারে
 বাঘ না করিনু যদি কি শিখানু তারে ?

বালক যুবক হল গোবিন্দের হাতে
 দেখিতে দেখিতে। ছায়াহেন ফিরে সাথে,

পুত্রহেন করে তাঁর সেবা । ভালবাসে
 প্রাণের মতন—সদা জেগে থাকে পাশে
 ডান হস্ত যেন । যুদ্ধে হয়ে গেছে গত
 শিখগুরু গোবিন্দের পুত্র ছিল যত,—
 আজি তাঁর প্রৌঢ়কালে পাঠান তনয়
 জুড়িয়া বসিল আমি শূন্য সে হৃদয়
 গুরুজীর । বাজে-পোড়া বটের কোটরে
 বাহির হইতে বীজ পডি বায়ু ভরে
 বৃক্ষ হয়ে বেড়ে বেড়ে কবে ওঠে ঠেলি,
 বৃক্ষ বটে ঢেকে ফেলে ডালপালা মেলি ।

একদা পাঠান কহে নমি গুরু পায়,
 শিক্ষা মোর সারা হল চরণকুপায়,
 এখন আদেশ পেলে নিজ ভুজবলে
 উপার্জন করি গিয়া রাজ সৈন্যদলে ।
 গোবিন্দ কহিলা তার পিঠে হাত রাখি—
 আছে তব পৌরুষের এক শিক্ষা বাকি ।

পর দিন বেলা গেলে গোবিন্দ একাকী
 বাহিরিলা,—পাঠানেরে কহিলেন ডাকি
 অস্ত্র হাতে এস মোর সাথে । ভক্তদল
 সঙ্গে যাব সঙ্গে যাব করে কোলাহল—
 গুরু কন, যাও সবে ফিরে । ছই জনে
 কথা নাই, ধীরগতি চলিলেন বনে

নদীতীরে । পাথর-ছড়ানো উপকূলে,
 বরষার জলধারা সহস্র আঙুলে
 কেটে গেছে রক্তবর্ণ মাটি । সারি সারি
 উঠেছে বিশাল শাল,—তলায় তাহারি
 ঠেলাঠেলি ভিড় করে শিশু তরুদল
 আকাশের অংশ পেতে । নদী হাঁটুজল
 ফটিকের মত স্বচ্ছ—চলে একধারে
 গেরুয়া বালির কিনারায় । নদীপারে
 ইসারা করিল গুরু—পাঠান দাঁড়াল ।
 নিবে-আসা দিবসের দগ্ধ রাঙা আলো
 বাজ্জের পাখাসম দীর্ঘ ছায়া জুড়ি
 পশ্চিম প্রান্তর পারে চলেছিল উড়ি
 নিঃশব্দ আকাশে । গুরু কহিলা পাঠানে—
 মামুদ হেথায় এস, খোঁড় এইখানে ।—
 উঠিল সে বালু খুঁড়ি একখণ্ড শিলা
 অঙ্কিত লোহিত রাগে । গোবিন্দ কহিলা
 পাষণে এই যে রাঙা দাগ, এ তোমার
 আপন বাপের রক্ত । এইখানে তার
 মুণ্ড ফেলেছিলু কেটে, না শুধিয়া ঋণ,
 না দিয়া সময় । আজ আসিমাছে দিন,
 রে পাঠান, পিতার স্নপুত্র হও যদি
 খোল তলবার,—পিতৃঘাতকেরে বধি
 উষ্ণ রক্ত উপহারে করিবে তর্পণ
 তৃষাতুর প্রেতাশ্বার ।—বাঘের মতন

হুকারিয়া লক্ষ দিয়া রক্তনেত্র বীর
 পড়িল গুরুর পরে ; গুরু রহে স্থির
 কাঠের মূর্তির মত । ফেলি অস্ত্রখান
 তখন চরণে তাঁর পড়িল পাঠান ।
 কহিল, হে গুরুদেব, লয়ে সয়তানে
 কোরো না এমনতর খেলা । ধর্ম্ম জানে
 ভুলেছিহু পিতৃরক্তপাত ;—একাধারে
 পিতা গুরু বন্ধু বলে জেনেছি তোমা
 এতদিন । ছেয়ে থাক মনে সেই স্নেহ,
 ঢাকা পড়ে' হিংসা যাক মরে' । প্রভু, দেহ
 পদধূলি ।—এত বলি বনের বাহিরে,
 উর্দ্ধ্বাঙ্গে ছুটে গেল, না চাহিল ফিরে,
 না থামিল একবার । ছুটি বিন্দু জল
 ভিজাইল গোবিন্দের নয়ন যুগল ।

পাঠান সেদিন হতে থাকে দূরে দূরে ।
 নিরালা শয়নঘরে জাগাতে গুরুরে
 দেখা নাহি দেয় ভোরবেলা । গৃহদ্বারে
 অস্ত্র হাতে নাহি থাকে রাতে । নদীপারে
 গুরু সাথে মৃগয়ায় নাহি যায় একা ।
 নির্জনে ডাকিলে গুরু দেয় না সে দেখা ।

একদিন আরস্তিল শতরঞ্চ খেলা
 গোবিন্দ পাঠান সাথে । শেষ হল বেলা

না জানিতে কেহ । হার মানি বারে বারে
 নাতিছে মামুদ । সফ্যা হয় রাত্রি বাড়ে ।
 সঙ্গীরা যে-বার ঘরে চলে গেল ফিরে ।
 ঝাঁ ঝাঁ করে রাত্তি । একমনে হেঁটশিরে
 পাঠান ভাবিছে খেলা । কখন হঠাৎ
 চতুরঙ্গ বল ছুঁড়ি করিল আঘাত
 মামুদের শিরে গুরু,—কহে অটহাসি’—
 পিতৃঘাতকের সাথে খেলা করে আসি
 এমন যে কাপুরুষ—জয় হবে তার !—
 তখনি বিদ্যাৎ-হেন ছুরি খরধার
 খাপ হতে খুলি লয়ে গোবিন্দের বুক
 পাঠান বিধিয়া দিল । গুরু হাসি মুখে
 কহিলেন—এতদিনে হল তোর বোধ
 কি করিয়া অত্নায়ের লয় প্রতিশোধ ।
 শেষ শিক্ষা দিয়ে গেলু—আজি শেষবার
 আশীর্বাদ করি তোরে হে পুত্র আমার ।

৬ই কার্তিক, ১৩০৬

নকল গড়

(রাজস্থান)

জলস্পর্শ করব না আর—

চিতোর-রাণার পণ—

বুঁদির কেলা মাটির পরে

থাকবে যতক্ষণ ।

কি প্রতিজ্ঞা, হায় মহারাজ,

মানুষের যা' অসাধ্য কাজ

কেমন করে সাধবে তা আজ!

কহেন মন্ত্রীগণ ।

কহেন রাজা, সাধ্য না হয়

সাধব আমার পণ ।

বুঁদির কেলা চিতোর হতে

যোজন তিনেক দূর ।

সেথায় হারাবংশী সবাই

মহা মহা শূর ।

হামু রাজা দিচ্ছে থানা

ভয় করে কয় নাইক জানা,

তাহার সত্ত্ব প্রমাণ রাণা

পেয়েছেন প্রচুর ।

হারাংশীর কেলা বুঁদী
যোজন তিনেক দূর ।

মন্ত্রী কহে যুক্তি করি—
আজ্কে সারারাতি
মাটি দিয়ে বুঁদির মত
নকল কেলা পাতি ।
রাজা এসে আপন করে
দিবেন ভেঙে ধূলির পরে,
নইলে শুধু কথার তরে
হবেন আত্মঘাতী ।—
মন্ত্রী দিল চিতোর মাঝে
নকল কেলা পাতি ।

কুস্ত ছিল রাণার ভৃত্য
হারাংশী বীর
হরিণ মেরে আন্টে ফিরে
স্বন্ধে ধনু তীর ।
খবর পেয়ে কহে—কেরে
নকল বুঁদি কেলা মেরে
হারাংশী রাজপুতেরে
করবে নতশির ?
নকল বুঁদী রাখব আমি
হারাংশী বীর ।

মাটির কেলা ভাঙতে আসেন

রাণা মহারাজ ।

দূরে রহ—কহে কুম্ভ,

গর্জে ঘেন বাজ ।

বুঁদীর নামে করবে খেলা,

সইব না সে অবহেলা,—

নকল গড়ের মাটির টেলা

রাখব আমি আজ ।

কহে কুম্ভ—দূরে রহ

রাণা মহারাজ !

ভূমির পরে জানু পাতি’

তুলি’ ধনুঃ শর

একা কুম্ভ রক্ষা করে

নকল বুঁদীগড় ।

রাণার সেনা ঘিরি তারে

মুণ্ড কাটে তরবারে,

খেলা গড়ের সিংহদ্বারে

পড়ল ভূমিপর ।

রক্তে তাহার ধনু হল

নকল বুঁদীগড় ।

৭ই কার্তিক, ১৩০৬



হোরিখেলা

(রাজস্থান)

পত্র দিল পাঠান কেসরু খাঁরে

কেতুন্ হতে ভুনাগ রাজার রাণী,—

লড়াই করি আশ মিটেছে মিঞা ?

বসন্ত যায় চোখের উপর দিয়া,

এস তোমার পাঠান সৈন্য নিয়া

হোরি খেলব আমরা রাজপুতানী ।

যুদ্ধে হারি কোটা সহর ছাড়ি

কেতুন্ হতে পত্র দিল রাণী ।

পত্র পড়ি কেসর উঠে হাসি,

মনের স্মৃথে গোঁফে দিল চাড়া ।

রঙীন দেখে পাগড়ি পরে মাথে,

সুন্দা আঁকি দিল আঁথির পাতে,

গন্ধভরা রুমাল নিল হাতে

সহস্রবার দাড়ি দিল ঝাড়া ।

পাঠান সাথে হোরি খেলবে রাণী

কেসর হাসি গোঁফে দিল চাড়া ।

ফাগুন মাসে দখিন হতে হাওয়া

বকুলবনে মাতাল হয়ে এল ।

ବୋଲ୍ ଧରେଛି ଆତ୍ମ ବନେ ବନେ,
 ଭ୍ରମରଞ୍ଜଳୋ କେ କାର କଥା ଶୋନେ,
 ଶୁନ୍ ଶୁନ୍ନିୟେ ଆପନ ମନେ ମନେ

ସୁରେ ସୁରେ ବେଢ଼ାୟ ଏଲୋମେଲୋ ।

କେତୁନ ପୁରେ ଦଳେ ଦଳେ ଆଜ୍ଞ

ପାଠାନ ସେନା ହୋରି ଥେଲତେ ଏଲ ।

କେତୁନପୁରେ ରାଜାର ଉପବନେ

ତୁଧନ ସବେ ଝିକିଝିକି ବେଲା ।

ପାଠାନେରା ଦାଢ଼ାୟ ବନେ ଆସି,

ମୂଳତାନେତେ ତାନ ଧରେଛି ବାଞ୍ଚି,

ଏଲ ତୁଧନ ଏକଶୋ ରାଣୀର ଦାସୀ

ରାଜପୁତାନୀ କରୁତେ ହୋରି-ଥେଲା ।

ରବି ତୁଧନ ରଞ୍ଜରାଗେ ରାଞ୍ଜା,

ସବେ ତୁଧନ ଝିକିଝିକି ବେଲା ।

ପାୟେ ପାୟେ ସାଗ୍ରା ଉଠେ ଢୁଲେ

ଓଢ଼ନା ଓଢ଼େ ଦକ୍ଷିଣେ ବାତାସେ ।

ଡାହିନ୍ ହାତେ ବହେ ଫାଗେର ଥାରି,

ନୀବିବକ୍ଷେ ବୁଲିଛି ପିଚ୍ କାରୀ,

ବାମହସ୍ତେ ଶୁଳାବ୍ ଭରା ଝାରି

ସାରି ସାରି ରାଜପୁତାନୀ ଆସେ ।

ପାୟେ ପାୟେ ସାଗ୍ରା ଉଠେ ଢୁଲେ,

ଓଢ଼ନା ଓଢ଼େ ଦକ୍ଷିଣେ ବାତାସେ ।

আখির ঠারে চতুর হাসি হেসে—

কেসর তবে কহে কাছে আসি,—

বেঁচে এলেম অনেক বুদ্ধ করি’—

আজকে বুঝি জানে-প্রাণে মরি !—

শুনে রাজার শতেক সহচরী

হঠাৎ সবে উঠল অটু হাসি ।

রাঙা পাগড়ি হেলিয়ে কেসর খাঁ

রঙ্গভরে সেলাম করে আসি ।

সুরু হল হোরির মাতামাতি,

উড়তেছে ফাগ্‌ রাঙা সন্ধ্যাকাশে ।

নব-বরণ ধরণ বকুল ফুলে,

রক্তরেণু ঝরল তরুমূলে,

ভয়ে পাখী কুঞ্জন গেল ভুলে

রাজপুতানীর উচ্চ উপহাসে ।

কোথা হতে রাঙা কুঞ্জটিকা

লাগল যেন রাঙা সন্ধ্যাকাশে ।

চোখে কেন লাগচে নাকো নেশা ?—

মনে মনে ভাবচে কেসর খা ।

বক্ষ কেন উঠ্‌চে নাকো ছলি ?

নারীর পায়ে বাঁকা নুপুরগুলি

কেমন যেন বল্‌চে বেসুর বুলি,

ভেমন করে কাঁকন বাজচে না ।

চোখে কেন লাগচে নাকো নেশা ?

মনে মনে ভাবচে কেসর খাঁ ।

পাঠান কহে—রাজপুতানীর দেহে

কোথা ও কিছু নাই কি কোমলতা ?

বাহু যুগল নয় মৃগালের মত,

কণ্ঠস্বরে বজ্র লজ্জাহত,

বড় কঠিন শুষ্ক স্বাধীন বত

মঞ্জরীহীন মরুভূমির লতা ।

পাঠান ভাবে দেহে কিম্বা মনে

রাজপুতানীর নাইক কোমলতা ।

তান ধরিয়া ইমন্ ভূপালিতে

বাঁশি বেজে উঠ্ ল দ্রুত তালে ।

কুণ্ডলেতে দোলে মুক্তামালা,

কঠিন হাতে মোটা সোনার বালা,

দাসীর হাতে দিগ্বে ফাগের থালা

রাণী বনে এলেন হেনকালে ।

তান ধরিয়া ইমন্ ভূপালিতে

বাঁশি তখন বাজ্জে চ্চে দ্রুত তালে ।

কেসর কহে—তোমারি পথ চেয়ে

ছুটি চক্ষু করেছি প্রায় কানা ।—

রাণী কহে—আমারো সেই দশা !—

একশো সখী হাসিয়া বিবশা,—

পাঠানপতির ললাটে সহসা

মারেন রাণী কাঁসার থালাখানা ।

রক্তধারা গড়িয়ে পড়ে বেগে

পাঠান পতির চক্ষু হল কানা ।

বিনা মেঘে বজ্রবের মত

উঠল বেজে কাড়া নাকাড়া ।

জ্যোৎস্নাকাশে চম্কে ওঠে শশি,

ঝন্ঝনিয়ে ঝিকিয়ে ওঠে অসি,

সানাই তখন দ্বারের কাছে বসি

গভীর স্বরে ধূল কানাড়া ।

কুঞ্জবনের তরু তলে তলে

উঠল বেজে কাড়া-নাকাড়া ।

বাতাস বেয়ে ওড়না গেল উড়ে,

পড়ল খসে ঘাগ্‌রা ছিল যত ।

মস্ত্রে যেন কোথা হতে কেরে

বাহির হল নারী-সজ্জা ছেড়ে,

এক শত বীর ঘিরল পাঠানেরে

পুষ্প হতে একশো সাপের মত ।

স্বপ্ন সম ওড়না গেল উড়ে,

পড়ল খসে ঘাগ্‌রা ছিল যত ।

যে পথ দিয়ে পাঠান এসেছিল

সে পথ দিয়ে ফিরল নাকো তারা ।

ফাগুন রাতে কুঞ্জ বিতানে

মত্ত কোকিল বিরাম না জানে,

কেতুনপুরে বকুল বাগানে

কেসর খাঁয়ের খেলা হল সারা ।

যে পথ দিয়ে পাঠান এসেছিল

সে পথ দিয়ে ফিরল নাকো তারা ।

৯ই কার্তিক, ১৩০৬

বিবাহ

(রাজস্থান)

প্রহরখানেক রাত হয়েছে শুধু,

ঘন ঘন বেজে ওঠে শাঁথ ।

বর-কন্যা যেন ছবির মত

আঁচল বাঁধা দাঁড়িয়ে আঁখি-নত,

জান্না খুলে পুরাঙ্গনা বত

দেখ্চে চেয়ে ঘোমটা করি ফাঁক ।

বর্ষারাতে মেঘের গুরু গুরু

তারি সঙ্গে বাজে বিয়ের শাঁথ ।

ঈশান কোনে থম্কে আছে হাওয়া,
 মেঘে মেঘে আকাশ আছে ঘেরি ।
 সভাকক্ষে হাজার দীপালোকে
 মণিমালায় ঝিলিক্ হানে চোখে ;
 সভার মাঝে হঠাৎ এল ও কে !
 বাহির দ্বারে বেজে উঠল ভেরী ।
 চম্কে ওঠে সভার যত লোকে,
 উঠে দাঁড়ায় বর-কনেরে ঘেরি ।

টোপর-পরা মেত্রি-রাজকুমারে
 কহে তখন মাড়োয়াবের দূত—
 “যুদ্ধ বাধে বিদ্রোহীদের সনে,
 রাম সিংহ রাণা চলেন রণে,
 তোমরা এস তাঁরি নিমন্ত্রণে
 যে যে আছে মর্ত্তিয়া রাজপুত ।”
 জয় রাণা রামসিঙের জয়—
 গজ্জি উঠে মাড়োয়াবের দূত ।

জয় রাণা রামসিঙের জয়—
 মেত্রিপতি উর্দ্ধস্বরে কয় ।
 কনের বক্ষ কেঁপে ওঠে ডরে,
 দুটি চক্ষু ছল-ছল করে,
 বরযাত্রী হাঁকে সমস্বরে
 জয়রে রাণা রামসিঙের জয় ।

“সময় নাহি মেন্ত্রি রাজকুমার”

মহারাণার দূত উচ্ছে কয় ।

বৃথা কেন উঠে হ্রলুধ্বনি

বৃথা কেন বেজে ওঠে শাঁখ ।

বাঁধা আচল খুলে ফেলে বর,

মুখের পানে চাহে পরস্পর,

কহে —“প্রিয়ে নিলেম অবসর,

এসেছে ঐ মৃত্যুসভার ডাক ।”

বৃথা এখন ওঠে হ্রলুধ্বনি,

বৃথা এখন বেজে ওঠে শাঁখ ।

বরের বেশে টোপের পরি শিরে

ঘোড়ায় চড়ি ছুটে রাজকুমার ।

মলিনমুখে নম্র নতশিরে

কন্যা গেল অন্তঃপুরে ফিরে,

হাজার বাতি নিব্ল ধীরে ধীরে

রাজার সভা হল অন্ধকার ।

গলায় মালা টোপের-পরা শিরে

ঘোড়ায় চড়ি ছুটে রাজকুমার ।

মাতা কেঁদে কহেন—বধু-বেশ

খুলিয়া ফেল্ হায় রে হতভাগী !

শান্তভাবে কথা কহে মায়ে—
 কেঁদনা মা ধরি তোমার পায়ে !
 বধূসজ্জা থাক না আমার গায়ে
 মেত্রি-পুরে যাইব তাঁর লাগি ।
 শুনে মাতা কপালে কর হানি
 কেঁদে কহেন—হায় রে হতভাগী !

গ্রহবিপ্র আশীর্বাদ করি
 ধানদূর্কা দিল তাহার মাথে ।
 চড়ে কত্কা চতুর্দোলা পরে,
 পুরনারী হুঁধুধনি করে,
 রঙান্ বেষে কিঙ্করী কিঙ্করে
 সারি সারি চলে বালার সাথে ।
 মাতা আসি চুমো খেলেন মুখে,
 পিতা আসি হস্ত দিলেন মাথে ।

নিশীথ রাতে আকাশ আলো করি
 কে এল রে মেত্রিপুর দ্বারে ।
 “থামাও বাঁশি” কহে “থামাও বাঁশি—
 চতুর্দোলা নামাও রে দাস দাসী,
 মিলেছি আজ মেত্রি-পুরবাসী
 মেত্রিপতির চিতা রচিবারে ।

মেত্রিরাজা যুদ্ধে হত আজি
 দুঃসময়ে কারা এলে দ্বারে !”

“বাজাও বাঁশি ওরে বাজাও বাঁশি”

চতুর্দোলা হতে বধু বলে ।
 এবার লগ্ন নাহি হবে পার,
 আঁচলের গাঁঠ খুলবে নাক আর,
 শেখনন্দ পাড়ব এইবার

শ্মশান সভায় দীপ্ত চিতানলে ।

বাজাও বাঁশি ওরে বাজাও বাঁশি
 চতুর্দোলা হতে বধু বলে ।

বরের বেশে মোতির মালা গলে

মেত্রিপতি চিতার পরে শুয়ে ।

দোলা হতে নামূল আসি নারী,
 আঁচল বাঁধি' রক্তবাসে তাঁরি
 শিয়র পরে বৈসে রাজকুমারী

বরের মাথা কোলের পরে খুয়ে ।

নিশীথ রাতে বরসজ্জা পরা

মেত্রিপতি চিতার পরে শুয়ে ।

ঘন ঘন করি ছলুধ্বনি

দলে দলে আসে পুরাঙ্গনা ।

পুরুত কহে—ধন্য স্মৃচরিতা,

গাহিছে ভাট—ধন্য মৃত্যুজিতা,—

ধূধু করে জলে উঠল চিতা,—

কণ্ঠা বসে আছেন যোগাসনা।

জয়ধ্বনি উঠে শ্মশান মাঝে,

হলুধ্বনি করে পুরাঙ্গনা ।

১১ই কার্তিক, ১৩০৬

বিচারক

পুণ্য নগরে রঘুনাথ রাও

পেশোয়া নৃপতি বংশ ;—

রাজাসনে উঠি কহিলেন বীর—

হরণ করিব ভার পৃথিবীর,

মৈসুরপতি হৈদরালির

দর্প করিব ধ্বংস ।

দেখিতে দেখিতে পুরিয়া উঠিল

সেনানী আশি সহস্র ।

নানা দিকে দিকে নানা পথে পথে

মারাত্মক যত গিরিদরী হতে

বীরগণ যেন শ্রাবণের স্রোতে

ছুটিয়া আসে অজস্র ।

উড়িল গগনে বিজয়পতাকা
 ধ্বনিল শতেক শব্দ ।
 হুল্লুরব করে অঙ্গনা সবে,
 মারাঠা নগরী কাঁপিল গরবে,
 রহিয়া রহিয়া প্রলয় আরবে
 বাজে ভৈরব ডঙ্ক ।

ধূলার আড়ালে ধ্বজ-অরণ্যে
 লুকাল প্রভাত সূর্য্য ।
 রক্ত অশ্বে রঘুনাথ চলে,
 আকাশ বধির জয়-কোলাহলে ;
 সহসা যেন কি মস্তুর বলে
 থেমে গেল রণ তূর্য্য ।

সহসা কাহার চরণে ভূপতি
 জানাল পরম দৈত্য় ?
 সমরোন্মাদে ছুটিতে ছুটিতে
 সহসা নিমেষে কার্ ইঙ্গিতে
 সিংহদুয়ারে থামিল চকিতে
 আশি সহস্র সৈন্য ?

ব্রাহ্মণ আসি দাঁড়াল সমুখে
 শ্রীযাধীশ রামশাস্ত্রী ।

দুই বাছ তাঁর তুলিয়া উধাও
 কহিলেন ডাকি :—রঘুনাথ রাও
 নগর ছাড়িয়া কোথা চলে যাও
 না লয়ে পাপের শাস্তি ?

নীরব হইল জয়-কোলাহল,
 নীরব সমর বাত।

প্রভু কেন আজি—কহে রঘুনাথ,—
 অসময়ে পথ রুধিলে হঠাৎ,
 চলেছি করিতে যবন-নিপাত
 যোগাতে যমের খাত।

কহিলা শাস্ত্রী, বধিয়াছ তুমি
 আপন ভ্রাতার পুত্রে।
 বিচার তাহার না হয় য'দিন
 ততকাল তুমি নহত স্বাধীন,
 বন্দী রয়েছ অমোঘ কঠিন
 ঞ্জায়ের বিধান সূত্রে।

রুধিয়া উঠিলা রঘুনাথ রাও,
 কহিলা করিয়া হাস্য,—
 নৃপতি কাহারো বাঁধন না মানে,
 চলেছি দীপ্ত মুক্ত রূপাণে,

শুনিতো আসিনি পথনাথখানে

গ্রাম বিধানের ভাষ্য ।

কহিলা শাস্ত্রী, রঘুনাথরাও,

যাও কর গিয়ে যুদ্ধ ।

আমিও দণ্ড ছাড়িছু এবার,

ফিরিয়া চলিছ গ্রামে আপনার,

বিচারশালার খেলাঘরে আর

না রহিব অবরুদ্ধ ।

বাজিল শজা, বাজিল ডক্ক,

সেনানী ধাইল ক্ষিপ্ত ।

ছাড়ি দিয়া গেলা গোরবপদ,

দূরে ফেলি দিলা সব সম্পদ,

গ্রামের কুটীরে চলি গেলা ফিরে

দীন দরিদ্র বিপ্র ।

৪ঠা অগ্রহায়ণ, ১৩০৬

পাণরক্ষা

“নারাঠা দম্ম্য আসিছে রে ঐ,
কর কর সবে সাজ ।”

আজমীর গড়ে কহিলা হাঁকিয়া
হুর্গেশ হুমরাজ ।

বেলা ছ-পহরে যে-বাহার ঘরে
সেঁকিছে জোয়ারী-রুটি,
হুর্গ তোরণে নাকাড়া বাজিতে
বাহিরে আসিল ছুটি’ ।

প্রাকারে চড়িয়া দেখিল চাহিয়া
দক্ষিণে বহুদূরে
আকাশ জুড়িয়া উড়িয়াছে ধূলা
নারাঠি অশ্বথুরে ।

“নারাঠার যত পতঙ্গপাল
কুপাণ অনলে আজ
ঝাঁপ দিয়া পড়ি ফিরেনাক যেন”—
গর্জ্জলা হুমরাজ ।

মাড়োয়ার হতে দূত আসি বলে—

“বৃথা এ সৈন্তসাজ ।
হের এ প্রভুর আদেশপত্র,
হুর্গেশ হুমরাজ !

সিন্দে আসিছে, সঙ্গে তাঁহার
 ফিরিঙ্গি সেনাপতি,—
 সাদরে তাঁদের ছাড়িবে দুর্গ,
 আঞ্জা তোমার প্রতি ।

বিজয়লক্ষ্মী হয়েছে বিমুখ
 বিজয়সিংহ পরে ;
 বিনা সংগ্রামে আজমীর গড়
 দিবে মারাঠার করে ।”
 “প্রভুর আদেশে বীরের ধর্ম্মে
 বিরোধ বাধিল আজ”
 নিশ্বাস ফেলি কহিলা কাতরে
 দুর্গেশ দুমরাজ ।

মাড়োয়ার দূত করিল ঘোষণা
 “ছাড় ছাড় রণ সাজ !”
 রহিল পাষণ-মুরতি সমান
 দুর্গেশ দুমরাজ ।
 বেলা যায়-যায়, ধুধু করে মাঠ,
 দূরে দূরে চরে ধেহু,
 তরুতলছায়ে সক্রমণ রবে
 বাজে রাখালের বেণু ।
 “আজমীর গড় দিলা যবে মোরে
 পণ করিলাম মনে

প্রভুর হুর্গ শত্রুর করে
 ছাড়িব না এ জীবনে ।
 প্রভুর আদেশে সে সত্য হার
 ভাঙিতে হবে কি আজ !”
 এতেক ভাবিয়া ফেলে নিখাস
 হুর্গেশ হুমরাজ ।

রাজপুত্র সেনা সরোষে সরমে
 ছাড়িল সমর সাজ ।
 নীরবে দাঁড়ায়ে রহিল তোরণে
 হুর্গেশ হুমরাজ ।

গেরুয়া-বসনা সন্ধ্যা নামিল
 পশ্চিম মাঠ পারে ;
 মারাঠা সৈন্য ধূলা উড়াইয়া
 থামিল হুর্গদ্বারে ।

“হুম্মারের কাছে কে ওই শয়ান,
 ওঠ ওঠ খোল দ্বার !”

নাহি শোনে কেহ,—প্রাণহীন দেহ
 সাড়া নাহি দিল আর ।

প্রভুর কন্ঠে বীরের ধম্মে
 বিরোধ মিটাতে আজ
 হুর্গ হুম্মারে ত্যজিয়াছে প্রাণ
 হুর্গেশ হুমরাজ ।

